

Discursus Politicus
De
MAIESTATE
IMPERII ET IM-
PERANTIS, ATQVE
utriusque juribus.


AUCTORE
DANIELE OTTONE,
HOENLOICO, PHILOSOPHIAE
& Iurium Doctore.



ARGENTORATI

Impensis EBERHARDI ZETZNERI Bibliop.

Anno M. DC. XXIII.



*NOBILISSIMIS, AMPLIS-
SIMIS QUAE DOMINIS CANCELLARIO ET
Scholarchis, Magnifico Rectori, Spectabili-
bus Decanis, & toti in chlyto senatui
Academiae Argentinensis.*



INTER PLURIMA AVGUS-
TI Romano-Germanici (quem Nu-
men coeleste apud se hominem, & a-
pud homines DEVM esse voluit.) *proxima*, atque
symbola, quæ jura majestatis nuncupamus, &
hoc fulget, quod possit solus Academias de no-
vo instituire, easque privilegiis pro lubitu do-
tare. Cum igitur & vestra Academia superiori
anno ejusmodi privilegiis à Cæsarea Majestate
sit aucta, munitaque de quibus omnes boni
vobis gratulantur, & reipublic. literariæ incre-
mentis vota faciunt, mearum quoque esse par-
tium duxi, munusculo aliquo vos, vestramque
Academiam salutare, deque acceptis privilegiis
Imperatoriiis, quæ optimus Maximus fausta, fe-
liciaque esse jubeat, gratulari. Itaque hunc de

Majestate discursum , meditatum magis , & conceptum , quàm perpolitum , en vobis gratulabundus dico , sacro , voveo . Vobis inquam , quos Majestas ipsa privilegiis singularibus dignos existimarit . Utimini , quod facitis , privilegiis ad bonū publicū , accipite , quod offertur , munusculum , serena fronte . Horrebat libellus (fateor) in ora hominum prodire , sed victus aliorum suafu , & suo periculo , publico multorum se judicio committere voluit , nihil , à livore sibi metuēs , ut qui Livio teste instar ignis , alta petit , neque Momum curans , ut qui magna tantum , & in excelsō posita , carpere soleat . Deum animitus oro , ut vestram universitatem sic protegat , defendat , tueatur , ut

Canescat seclis innumerabilibus .

Daniel Otto V. I. D.

Oringæ XXIII. Januar. Anni XXIII.

CAPUT

CAPUT I.

De Majestate Imperii ejusq. Juribus.



ACTURUM de Majestate ante omnia nosse oportet, unde id nominis accepit, ut in simili de justitia ait jureconsultus Ulpianus in l. 1. de just. & jure. Et rectè. Nam subtilitatis magistro teste, usu vocis cognito, sæpè in perceptionem ipsius rei provehimur, exercit. 1. scilicet. 2. Sunt enim verba rerum notæ. Cicero in Topic. & in part. Orator. Scalig. lib. 4. Poët. cap. 85. ut lib. 7. c. 1. Gond. ad rubric. de Verb. signif. n. 6. & instrumenta cognitionis. Scal. de caus. lat. ling. pag. 108. Sicut igitur nucleū nemo nisi putamine fracto comedere potest: ita mens nostra neglecta νοημάτων notitiā ad νοημάτων notionem pervenire non potest. Paurmeist. lib. 1. de jurisdict. cap. 1. num. 2.

2. Dicta autem est majestas à magnitudine, auctore Festo, quasi major status, eò quod magnitudinem, decus, imperium, amplitudinem, potestatem, & dignitatem status eminentioris denoret. Bodin. de Repub. lib. 1. c. 3. Amisæ. lib. 2. de majest. c. 1. Bornit. de majest. c. 1. Kirchner. de Repub. disput. 2. §. 2. in pr.

3. Quæ vox non uno accipitur modo. Nam alias denotat venerationem, auctoritatem, honorem seu dignitatem externam, Chassan. in Catal. glor. mund. considerat. 70. par. 1. Grego. Thol. de Repub. lib. 8. c. 3. Bocer. Class. 4. disp. 8. ut de Regul. in princ. Lipi. lib. 2. Polit. c. 16. Keckerm. lib.

1. *Polit. c. 1.* alias verò significat imperii amplitudinem, eiusque cum constituendæ, tum Regendæ potestatem summam, quam Cicero 2. *de Orat. & in part.* amplitudinem & dignitatem civitatis vocat: estque ea quam tractamus. Vid. *Kirchner. d. disp. 2. §. 2. lit. a. in fin.* Matth. Bort. *in discurs. de natur. jurium majest. ut regul. cap. 1. §. 1.*

4. Estque ratione subjecti divina vel humana. Gigas *in tract. de crim. las. majest. lib. 1. rubric. quosuplex sit majestas. n. 1.* Schneid. *ad §. publican. 2. Instit. de public. judic.* Illa est prima, hæc corra; illa est infinita, hæc finita; illa est independens, hæc dependens, quæ ab illa mensuratur, restringitur, & determinatur. Cum igitur solus Deus sit infinitus. *Scal. ex. 6. sect. 3. exer. 61. §. 3. & ex 365. §. 2. & à nullo dependeat.* *Keck. p. 1. Metaph. c. 2.* soli quoque Deo Majestas prima seu divina propria tribuitur, qui propterea Rex regum, & Dominus dominantium dicitur ab Apostolo *in epist. prior. ad Timoth. c. ult. & à S. Johanne in apocalypsi cap. 17. & 19.* Hujus tractationem Theologis relinquimus, ne fallacem in alienam messem immittam, de humana præsentem discursum instituam.

5. Humana seu politica majestas alia est imperii, alia imperantis, quæ ut Principalis *Imperatorum 91. de hered. inst. l. fin. C. de leg. & imperatoria nuncupatur l. 5. C. de cens. in pr. proam. Instit.* illam vocant realem, hanc personalem, *Kirchner. d. disp. 2. §. 3.* Marth. Bort. *d. c. 1. §. 2.* Illa cum Republica nascitur, & cum eadem interit, hæc personæ coheret, & cum eadem concidit. *Kirchner. d. lo. Besold. class. 1. Polit. disp. 2. §. 2.* Hinc illæ formulæ *uns vnd dem H. Reich. In Unser vnd des Heiligen Reichsstadt* imperatoribus nostris in rescriptis decretis & constitutionibus usitatissimæ. Ubi verbo *uns* majestas Imperatoria seu personalis. verbis

verbis verò dem H. Reich majestas realis, seu jus regni exprimitur.

6. *Majestatem Imperii* definitio potestatem summam quæ consistit in Reipub. constitutione, atque constitutæ conservatione. Hæc est fundamentum & basis Reip. quâ destructâ, ipsum Reip. corpus destruitur, & quâ positâ illud salvum permanet, atque immotum, ut verissimè scripserit Q. Curtius *lib. 8. ex rebus gestis Alex.* Majestas imperii salutis est tutela. Nec per mortem Principis expirat, sed etiam sub interregnis & alterationibus gubernationum persistit. Kirchner. & *disp. 2. §. 3. lit. a.*

7. Ejus tria sunt capita, quæ jura Imperii cum Livio *lib. 2. Inst.* aut sacra regni, cum Clapmario *lib. 1. de arcan. Rerump. c. 10.* appellare libet. Ad primum pertinet jus imperii constituendi; ad secundum jus Imperii committendi: ad tertium ius disponendi de imperio.

8. Imperii constitutio spectat ad Ephoros, & populum, non quidem ut singulos, sed ut collegium. Lepol. de Bebeno. *ex jurib. Romani imp. c. 6.* Panormit. in c. *Venerabilem. de electione* Vasque ill. *cōtrov. p. 1. li. 1. c. 47.* quod communi consensu magistratum summum sibi eligere potest, vel ad tempus, vel precario, vel ad vitam, vel concedere, ut eorum successores speciali lege, & jure hereditario ad Regnum vocentur. Althus. *ca. 9. Polit. n. 18.* Matth. Bort. *d. c. 2. §. 3.* jus hoc tandiu inpendente & suspenso est, quandiu electi & successorum imperium durat. Cessante illorum imperio, quod fit vel tempore lapso, vel mortuo electo, vel extinctis successoribus, integrum populo & ephoris jus est eligendi, quem velint. Vasq. *d. lib. 1. c. 22. n. 3.* Clapmar. *de arcan. Rerump. c. 21.* Statum Reipublic. sic à populo cōstitutum, sive sit monarchicus, sive aristocrati-

cus, sive democraticus; sive sit electivus, sive successivus, summus magistratus immutare haud potest, idque apud germanos capitulatione, hoc est lege Imperii fundamentali cautum est, quam Carolus V. Imp. juramento firmavit, ut videre est apud Sleidanum *lib. 1. de Stat. relig. Concilium* (scribit) *nullum ineat quo dignitatem imperii sua familia peculiarem, & hereditariam faciat, sed liberam & integram permittat Septem viris eligendi facultatem, juxta Caroli IV. & juris Pontificii praescriptum, quod secus factum erit irritum habeatur.* Tentavit tamen hoc Carolus, & imperium suae familiae hereditarium facere voluit, teste eodem Sleidano, sed irrito conatu. Sic quoque Galliae Rex, referente Hotomanno *lib. 1. de antiquo jure regni Gallici, cap. 23.* jurare cogitur; *ut ne quid, quod ad Statum Reip. in universum pertineat, Regi sine publici concilii auctoritate statuere liceat. Item ut Regi non sit jus, neque filiam adoptare, neque de suo regno, vel inter vivos, vel per testamentum disponere, sed in regni successione majorum instituta, ut antiqua consuetudo servatur.* Jus hoc regni constituendi populus ægerrimè sibi extorqueri patitur, nec pactis imperantium ullis se teneri arbitrat. Testatur hoc exemplum C. Julii Caesaris, ex antiquissima familia regum Trojanorum oriundi, qui quod statutum Reip. Romanae tum temporis democraticum, in monarchiam mutare voluerit, à Bruto & sociis viginti tribus vulneribus acceptis miserrimè occubuit. Sueton. *in ejus vita.* Intellexit hoc Martinus Rex Aragonum XV. qui moriens sine liberis, Aragoniae regnum populi judicio relinquere maluit, quàm contra regni legem quicquam facere. A quo Ferdinandus Johannis Castellae Regis filius ex Leonora Martini sorore, reliquis competitoribus omnibus praeteritis, electus fuit. Marineus *lib.*

II. *rerum Hispan.* Hinc quoque legimus, ordines Hungariæ Ferdinando Austrio ex pacto inter Maximilianum, & Ladislaum Hungariæ regem inito, tum hereditario jure, quia Ludovici ultimi regis sororem in matrimonio habebat, successionem in regnum prætendendi, tam obstinatè restituisse, ut Turciæ perfidiæ se committere, quàm sceptris hereditariis cum potiri maluerint. Sleid. *lib. 6. de stat. relig.* Bodin. *6. de rep. 5.* Nec immeritò. Siquidem, quando jus regni contractibus incundis adversatur, tum contractus de illis, & alienationes, interduntur Principibus, non minus quam possessoribus aliis privatis rerum subditarum restitutioni, vel alienarum P. Gregor. *de Repub. lib. 7. c. 16. num. 9.* Atque hinc etiam pacta à Carolo VII. Galliæ rege inita apud Tricasses à Senatu Parisiense irrita & nulla declarata sunt, quibus cautum erat, ut Caroli gener Henricus V. rex Angliæ & ejus successores mascululi, vocarentur ad regem Galliæ, excluso Carolo. VII. Nimirum, quod pactum hoc legibus fundamentalibus regni Gallici adversaretur, ubi sic legitur: *Ne virgo, nevé mulier ad regni hereditatem admittatur sed agnatus defuncto regi proximus quamvis gradu femina posterior, ei tamen præferatur.* Hotom. *d. 6. 23.* Solet tamen quandoque populus in gratiam carorum sibi Principum de suo jure quid remittere, atque pacta de electione & successionem heredum rata habere. Matth. Bort. *de jur. majest. c. 2. §. 5.* Vin' exempla? En Constantinum M. qui tres filios imperii hæredes reliquit, quos inter imperii corpus divisum fuit, Theodoret. *lib. 2. histor. eccles. cap. ult.* Rufin. *lib. 1. histor. eccles. c. 11.* quàmvis non satis conveniat, diviseritne Constantinus ipse suis filiis imperium, an ipsi post ejus mortem sorte id fecerint. Ludov. Vives *ad c. 25. lib. 5. August. de*

avit Dei, Sic Augustus Tiberium heredem scripsit. Tacitus *lib. 1. annal. Sueton. in Augusto cap. 10. & Tiberio cap. 24. & seq.* Sic Pharnaces rex Parthorum præteritis liberis fratri Mithridati insigni virtutis viro reliquit imperium, plus regno quàm patrio deberi nomini ratus: potius què patriæ, quàm liberis consulendum. Justin. *lib. 41.* Ersi hæc dispositio contra legem regni Parthici fuit facta, eam tamen populus tacito subsecuto consensu approbavit. Sic Dani passi sunt Margaretam Danici sanguinis reginam ultimam adoptare Ericum Pomeranum. Chytræus *in Chron. Sylv. in Europ. c. 33.* Sed Erico idem petenti denegaverunt. Crantzius *lib. 8. Daniæ cap. 21.*

9. Secundum caput est de regni commissione, quâ a populo velephoris regni administratio magistratui summo deferitur quæ duobus actibus constat, & absolvitur, essentiali uno, accidentali altero.

10. Actus essentialis consistit in electione legitima, vel successione.

11. Electio legitima est, quâ secundum leges & instituta Reip. ii, qui electionis jura habent, summum magistratum eligunt, eique regimen certis pactionibus committunt. Quæ ut successione naturâ prior est, & antiquior. Zech. *de princip. lib. 1. cap. 3.* ita etiam præstabiliior putatur. P. Greg. *de repub. c. 15.* Machiav. *1. discurs. 10.* Dubito ego, eò quod minore discrimine sumatur Princeps, quàm quærat. Tacit. *2. histor. vid. Bodin. de Rep. lib. 2. c. 3. & 6 c. 5.* Olim electio Imperatorum fiebat jussu populi, qui in Augustum omnem potestatem & imperium transfuisse dicitur. *1. de const. Princip. deinde pares militares copias, quæ hocjui vi arripuerunt. Herod. in vit. Jul. tandem connivente populo Imperatores ipsi, quos volebant, designabant.*

bāt. In imperio Germanorum itidem olim jus eligendi ad totū populum pertinuit, à quo aliquot Imperatores electi sunt, ut Conradus I. Henricus I. Ottones I. & II. Buxtorf. *ad Aur. Bullam*. 0. 13. Hodie ex lege Caroli IV. à Septemviris electio peragitur, Aurea Bulla tit. 2. ultro citroq; interveniente cautione juratoriā, quæ appellatur secretum electionis. Casp. Ens *in summar. jur. tit. circa elect. & coronat. Imperat.* c. 5. Sic etiam reges Galliar. Hotom. *in Franco-Gall.* c. 7. 12. 25. Bodin. *lib. 1. de Repub.* c. 8. Heig. *p. 1. q. 2. n. 26.* Scotiar. G. Buchanan. *in dialog. de jure regni apud Scotos.* Angliar. Bodin. *d. c. 8.* Poloniar. Bodin. *d. loc.* Vngariar. Ant. Bonfin. *rer. Ungar. li. 9. dec. 4.* Sueciar. Arnisæ. *in tract. de autorit. Princip.* c. 1. n. 4. Daniar. Lauterb. *lib. 1. de Repub.* c. 15. in leges regni jurare tenentur. Vid. Althus. *cap. 19. Polit. n. 38. & seqq.*

12. Estque electio aut voti liberi, de quacunque persona, siue sit civis, siue peregrinus, siue nobilis, siue ignobilis. Itā milites Romani modò civem, modò peregrinum eligeabant, Herod. *in vit. Maxim.* Vid. Vincent. Cabot. 1. *disp. 8. & 10.* P. Gregor. *de Repub. lib. 7. c. 15.* Quæ tamen electio non eò usque extendenda est, ut atheus, sceleratus, omnibusque vitiis ac sceleribus deditus eligi possit, siquidem in omni electione ad finem Reip. qui est salus populi, respiciendum est, licet non ignorent, eligentes quandoq; ad alia, præsertim lucrum illum Deum, insuper habitā virtute, oculos convertisse.

13. Electio voti restricti ad certum personarū genus est, in regno Poloniar. ad quod non civis, sed peregrinus vocatur. Bodin. *lib. 2. de rep. cap. 1.* & olim erat in regno Carinthiorum, ad quod non nisi agricola eligebatur, teste Aenea Sylvio *in descript. Europa.* Eiusmodi hodie est in

imperio Romano-Germanico, ad cuius sceptrum non clericus sed laicus Buxtorf. *ad A.B.* 31. & quidem Germanus tantum admittitur. Sleid. *lib. 1. de stat. relig.* P. Heig. *p. 1. q. 5.* Althus. *cap. 19. Polit. n. 76.* Et quamvis P. Gregorius *lib. 7. de Rep. c. 15.* & Paicanus de probat. *lib. 2. c. 35. n. 50.* contra sentiant, & Gallorum reges in memoriam pristinae possessionis cum Germano in electionis calculo concurrere posse, affirmant, rectè tamen D. Kirchnerus *de Repub. disput. 4. §. 3. lit. c.* scribit, huic quaestioni jam pridem fauces esse praelusas, in ambitu Francisci I. regis Galliae, quo de Sleidanus *lib. 1.* Neque ullum jus praescriptione acquisitum domus Austriaca praetendere potest ex eo, quod continua seriem nobis jam novum Imperatorum dederit. Siquidem ex hac vel illa familia Imperatorem eligere, est res morae facultatis, qualis nullo unquam tempore praescribitur. *l. 2. de via publ. Sixtin. cons. Marp. 9. n. 5. & 63. vol. 1.* D. Arum. *discurs. 2. ad A.B.* 2. An autem vivente Principe electores successorem designare possint? etiamnum quaeri videmus. Non puto, nisi accedat consensus Principis: utpote ad quam iura maiestatis sunt delata, ac proinde jus eligendi tandiu in suspenso est, quandiu electi regimen durat. Quod autem pendet, item est cum eo, quod non est. *l. is damnus. 169. §. 1. de reg. juris.* Accedente Principis consensu id fieri posse, testatur observantia (quae omnem actum interpretatur. D. Vult. *cons. Marp. 30. nu. 96 vol. 2.* nec praescriptione indiget, Paurmeist. *de jurisdict. lib. 2. c. 6. n. 119* Jin Wenceslao, Maximiliano I. & II. Ferdinando I. & Rudolpho II. Vid. Lancell. *in Templ. omn. jud. lib. 1. cap. 1. §. 1. q. 2.* P. Heig. *p. 1. q. 6.* D. Arum. *vol. 1 juris publ. discurs. 4. & seq.* Sic olim ab Imperatoribus Romanis Cæsares fuere cooptati, ut imperii successores essent, ut Tiberius.

Tiberius ab Augusto, Cajus à Tiberio, à Claudio Nero qui Imperatoribus mortuis Augusti dicebantur. Panvin. *de comit. Imper. c. 3.* Et tum electus, vel designatus successor suo nomine nullam in regno habet potestatem. Sleidan. *lib. 8. de stat. relig.* sed quicquid agit, id omne vice Principis imperantis agit, *arg. l. 16. ex jurisdict. l. 1. §. 1. & l. 3. de offic. ejus, cui mand.* quam tamen mortuo Principe plenissime statimque consequitur.

14. Successio sequitur, quæ ut electione natura est posterior, ita usu gentium est receptior. Lips. *lib. 2. civil. doctr. c. 2.* facitq; regnum successivum, seu hereditarium, quale est, & habetur, quod ab initio non uni solum, sed & insimul ipsius commissum est posteritati. Besold. *de regia success. lib. 1. dissert. 1. §. 7.* Cujusmodi regna sunt Francorum, Anglorum, Scotorum, Hispanorum, Turcarum, Tartarorum, Moschovitarum, & aliæ quæ recenset Bodinus 6. *de Rep. c. 5.* Ubi ad mores cuiuscunque regni respiciendum est, qui ut plurimum masculis, exclusis foeminis, successorio jure regnum deferunt. Vid. Cabot. *lib. 1. disp. 16.* & quidem primogenito. P. Gregor. *de Repub. lib. 7. c. 5.* Tiraquell. *de jure primog. q. 21.* Cui & jura majestatis in solidum tribuantur, ceterique fratres obedientiam & fidelitatem præstent, consultius est, idq; regni Francici firmissimum fundamentum vocat Bodinus *d. c. 5.* Quod & veteres Germanos fecisse Tacitus auctor est, à quorum instituto omnes ferme Germanorum Principes, exceptis Electoribus, recesserunt, qui Principatus & feuda ex æquo partiantur. Reich. *in Saxon. verb. Ducon. Saxum. c. 3.* Sive natus patri sit ante adeptum regnum, sive, post, *per l. senatoris de senat.* ubi Ictus Ulpianus; *Nec interest (ait) jamen senatoria dignitate constitutus en susceperit, an ante dignitatē senatoriam*

Foërtter *de success. ab intest.* lib. 4. c. 24. n. 27. P. Gregor. *de Rep.* lib. 7. c. 9. Hotom. *ill. quæst.* 2. Atque ita Artaxerxes antegenitus, quàm pater imperaret, rex est appellatus, fratre Cyro juniore cæso ac prostrato. Diod. lib. 14. Plutarch. *in Artaxerxe.* Onof. lib. 2. etiamsi fortè ille esset surdus, mutus vel diversæ religionis, vel alio modo inhabilis ad imperandum. Althuf. c. 19. *Polit. n.* 85. Neque enim corporis aut animi virtutes tanti esse debent, ut propter eas à jure gentium omnium communi, quod primogenitum præfert, discedatur. Bodin. *d. c. 5.* Nam nec infantes Principum ob defectum judicii à Principatu rejiciuntur: ergo nec illi. P. Greg. *d. lib. 7. c. 6.* Exempla habemus in Claudio Drusi filio, qui vecors erat & stultus. Sueton. *in vitæ ejus.* & in Carolo VI. Gallorum rege amente. Paul. Aemil. lib. 10. *histor. Franc.* Ita Calomanus homo naturâ pusillus, linguâ balbus, oculo luscus, pede claudus, dorso gibberus Uladislao ab Ungaris surrogatus fuit. Bodin. *d. c. 5.* Lips. *in monit. Polit.* 2. c. 4. *monit.* 2. Hoc jûs primogenito testamento patris sine illius consensu, aut evidente urgente necessitate auferri nequit. Moline *in Consuet. Paris.* §. 13 gl. 3 n. 27. & seq. Hinc tamen si Pyrrhus strenuissimum quemq; filiorum regem futurum designarat, populus tamen primogenitum bello minus idoneum prætulit. Primogenito non extante proximiores prærogativâ graduum succedunt. Hic alta, subtilis, & de apicibus juris pullulescit quæstio, quæ jureconsultos tum veteres, tum recentiores sæpè suspensos tenuit: An nepos seu primogeniti filius secundogenito jure præferatur. Utraque opinio suos habet propugnatores. Nepoti assistunt Hotom. *in diss. singu. de success. patr. & nepos.* & *ill. quæst.* 3. Bodin. *de Rep.* lib. 6. c. 3. P. Gregor. *de Rep.*

Rep. lib. 7. c. 10. Mynf. 3. *Observ. 23.* Moller. 1. *semestr. 40.* Lips. *monit. Pol. 2. c. 4. num. 2. & 3.* Jacob. à Saa *de primogenit. armati* potissimum hac ratione, quod hereditas suis heredibus deferatur nepotes autem successionem heredes facti, & ad filiorum conditionem redacti, suo jam ac proprio, non autem alieno jure utantur, ac proinde suo nomine, non ex persona filii ad successionem vocentur. Accipitur autem hoc loco is nepos, cujus pater, vivente avo, & nondum adepta possessione mortuus est. A parte patruistat autor discursus exoterici *de jure representationis in primogenitura imperii Germanici*, Cujac. 2. *Feud. tit. 11.* Geil. 2. *Observ. 153.* Hartm. Hartmanni *lib. 2. pract. feud. observ. 20.* Lud. Molina Jesuita *de just. & jure, tom. 3. part. priore, de majorat. & alij quos allegat Jac. à Saa de tract. x. 14.* cum triplici jure, possessionis proximitatis & ætatis priorem & potiozem haberi, existimantes. Ego cujuscumque regni moribus hoc relinquo cum Zechio *de Princip. lib. 1. c. 3.* Deficientibus masculis foemina succedunt, unde Gynecocratia oboritur, naturæ legibus inimica Bodin. 6. *de Rep. c. 5.* Verissimè Ovidius.

Fœmina sum & virgo naturâ mitis & annis,

Non faciunt molles ad fera bella manus.

Quid mihi cum ferro? quid bellica tela puellæ?

Aptior est digitis lana colusque meis.

Talis est successio in Anglia, Scotia, Hispania, Lusitania, Sicilia, Neapoli, Navarra. Cabot. 1. 1. *disput. c. 15.* P. Greg. 7. *de Rep. c. 11.* Sit autē & maneat foemina imperās innupta, nā nupta jushoc transfert in maritum. Danaus 1. 6. *Pol. Christ. c. 3.* Althus. c. 19. *Polit. n. 79.* nisi id sibi specialiter reservet, quod Mariam reginam Hungariæ fuisse accepimus. Nam regi Bohemiæ Sigismundo postea Imperatori

Romano nupserat hac conditione, ut majestas regni non penes maritum, sed penes nuptam esset, quam conditionem iniquissimam appellat Bodinus *d. lib. 6. n. 38.* Idque etiam cautum fuit in tabulis cōmitialibus Philippi Principis Hispaniarum, & Mariæ Anglorum reginæ. Thuan.

15. Accidentaliter actus est inauguratio, seu coronatio, quæ nihil aliud est, quam confirmatio suscepti & commissi imperii, Accidentalem voco, quia magistratui summo præter essentiam accedit, ei que potest adesse vel abesse sine illius destructione. Unde Imperator ille electus statim Imperatoriam dignitatem, potestatem, omniaque ei consequentia, sine ulla præterea approbatione vel confirmatione, vel coronatione, nec quicquā reclamantibus summis Pontificibus, consequitur. *Lepol. de Bebenb. de jure regnic. 8. Heig. p. 1. q. 3. n. 56. Paurmeist. 2. de jurisd. c. 4. n. 5. Kirchner. de repub. dip. 2. coroll. 3. lit. a.* quod continue serie quinquenovissimos Cæsares comprobasse videmus, Ferdinandos I. & II. Maximilianum II. Rudolphum I I. Matthiam. Insignia & symbola quibus regni commissio repræsentetur, in Variis imperiis varia fuere. De prisca Imperatorum insigniis consule Onuphr. l'anvin. *in tract. de comit. imper. rubr. Veterum Imp. insignia.* Lancell. *in. T. O. 1. lib. 1. §. vestium.* Alexand. ab Alex. *lib. 1. genial. cap. 28. P. Greg. 6. de Repub. 16. & 20. Arnold. Clapm. 3. de arcan. rerump. lib. 9.* Nostri Imp. insignia habent hæc, Diadema, gladium, sceptrū, Pomum aureum, amictum, de quibus Aurea Bulla *cap. 24. & seq. Ren. Choppin. de doman. lib. 3. c. 8. & lib. 2. t. 2. Goth. Viterb. part. 1. 9. Chron. rubr. de regal. insign. 9. de Andlo lib. 2. de imper. Rom. c. 6.* ibique De Marq. Preserus.

16. Tertium & ultimum majestatis imperii jus consistit

fittitin regni dispositione, quod spectat ad ipsam Remp.
 ita tamen, ut existentibus imperantibus populo hinc sint
 ligatæ manus, nec quique illis invitis de regno disponere
 possint, per ea, quæ supra dixi numero 8. Hæc lex regni est
 immota, quæ et si expresse alienationem Principibus
 non interdicit, tamen tacite eam prohibuisse intelligitur.
 Vasq. *ill. controuv. p. 1. lib. 1. c. 1. n. 10. & seq. c. 5. n. 3. & seq. Ho-*
tom. ill. quest. 1. Bodin. lib. 1. c. 9. & lib. 6. c. 2. Myns. cent. 4.
Obs. 8. n. 3. & cent. 5. Obs. 97. n. 10. Geil. 1. Obs. 14. n. 6. & 2. Obs.
88. n. 2. & 9. Pflug. in Orat. de Imperio. Rom. sed nec subditos
 suos alienare possunt, non magis, quam dominus Vasa-
 lum. Vasq. *d. lib. 1. c. 6. n. 3. & seq. Coler. in c. cum non liceat,*
n. 9. & seqq. de præscripti. ut & è contrario, subditi alteri quæ
 vero domino se submittere, eumque superioritate priva-
 re non debent. Th. Mich. *de jurisd. conclus. 138. lit. b. Reces.*
imper. de anno 1529. §. Wie auch Churfürsten. & de anno
555. §. Es soll auch. nisi justæ utrobique subtractionis es-
 sent causæ: Heig. *p. 1. q. 19. n. 16. Coler. d. la. Schöner. de feud.*
disp. 10. §. 128. quibus tamen casibus subditis licere arbi-
 trantur, pretium alienationis offerendo semet redimere,
 & in libertatem asserere. Hostiens. Felin. Covarruv. Sur-
 dus, & alii, quos allegant Heig. *d. q. 19. nu 7. & Schön. d.*
disp. 10. §. 136. aliâs subditi agere possent pro suo interesse,
 Panormit. *in c. auditis. de præscripti.* Scire igitur debent Prin-
 cipes, & tutelam sic procurationem Reip. ad utilitatem
 eorum, qui commissi sunt, non ad eorum, quibus com-
 missa est, quendam esse. Cicero 1. *Offic.* Scire debent, nulli
 magis convenire salutem Reipub. tueri, quàm Cæsari. *l. 3.*
de offic. Præf. Vigil. Hinc ait Baldus, imperium non esse in
 marisupio Principis, *in c. intellecto de jurejur.* At inquis prin-
 ceps, est dominus, adeoque moderator & arbiter regni,

sui, *arg. l. in remandata. 21. C. mandat.* etiam in abutendo, *l. sed si lege. §. consuluit. de pet. hered.* rebusque suis potest imponere legem, quam velit. *c. verum. ex. de condit. appof. l. quoties. C. de donat. sub mod.* Quod vel maximè de Imperatore dicendum videtur, utpotè qui dominus orbis dicitur, *l. de precatio. ad l. Rhod. de jact.* sicut Petronius canit:

Orbem jam totum victor Romanus habebat. Sed respondeo, Principem vi majestatis seu potestatis summæ omnia facere posse, quæ juribus regni non adverfantur, utpotè quibus est obnoxius & obstrictus. Sic igitur facultas de regni constitutione, commissione, & denique dispositione, non ex voluntate seu potestate Principis, sed ex voluntate seu majestate imperiï dependet. Ita Cæsar ex rebus imperiï sine septemviro rum assensu disponere lege imperiï prohibetur. *Sleidan. lib. 1. de stat. relig.* ubi ita scribit *Facultates imperiï neque distrabat, nec oppignoret, nec alio quovis modo deteriores faciat, & quæ sunt ab aliis nationibus occupata, vel ab imperio divulsa bona, primo quoque tempore recuperet.* Sic nec regi Galliæ jus est illam domanii seu regni sui partem sine publici consilii auctoritate & judicio alienandi. *Hotom. lib. 2. de antiq. jure regni Gall.* Hinc Parlamentum Parisiense alienationem Burgundiæ, aliarumque provinciarum à Francisco I. Carolo V. Imp. Jurato factam irritam habuit. *Bodin. §. de Rep. c. 6.* Et Angli alienationi Anglici regni in Padulphi Papæ Legati manus à Johanne rege traditi restiterunt. *Joh. Smith. de Repub. Angl. cap. 9.* Non igitur injuria Maximilianus I. Carolum IV. dissipatorem, & vitricum imperiï vocavit. *Spigel. ad lib. 5. Ligu. Guntheri.* eò quòd regnum Arelatense Delphino, prandii uni⁹ gratia donaverit, Lusatiæ regno Bohemiæ adjunxerit, aliasq; plurimas Italiæ civitates in magnum

gnum imperii detrimentum alienarit, & si emptorem reperisset, totius imperii vendendi animo fuerit. Crantz. *in Sax. lib. 10. c. 3.* Theod. de Niem. *trakt. 5. tit. Imperatores semper Augusti.* Warem. ab Eremb. *de regni subsidio. 5.* Quamobrem licet Princeps sit dominus regni sui, licet etiam Imperator sit dominus Orbis, scil. Romani. *arg. l. in orbe. 17. de stat. hom.* non totius *l. 1. C. de summa Trin. l. 4. C. de commerc.* tamen bonorum regni alienādorū potestatem non habet, nisi indè sequatur modica læsio. P. Gregor. *l. 7. de Rep. c. 20. n. 61.* Vasq. *lib. 1. ill. controu. c. 3. n. 8. & c. 4.* Et quamvis etiam privatorum res dicantur esse Principis, id tamen de imperio, non dominio; ditione, non proprietate; jurisdictione, non possessione & usu, accipiendum est. Reich. *de sublim. terris. jur. c. 1. n. 183.* Ex hisce constare potest, quid de donatione illa famosa, quæ à Constantino Imp. in manus Sylvestri Pontificis Maximi facta fingitur, sit sentiendum, quæ jam olim irrita fuit ab Anton. de Rosell. *in Monarch. lib. 2.* nec ullam ejus mentionem faciunt Eusebius, Beda, Socrates, Zonaras, Sozomenus, Theodoretus & alii plures, qui res gestas Constantini diligenter scripserunt. Eamque fabulis relinquunt, Aeneas Sylv. *in Dialog.* Brutum fulmen Horomanni. Everhard *in loc. à verosimili. n. 15. & seqq.* P. Gregor. *de Repub. lib. 6. c. 14.* Philipp. Camer. *cent. 1. horar. succif. c. 61.*

17. Haftenus de imperii iuribus, quæ occasionem legibus regnorum fundamentalibus dedisse, ait Matth. Bort. *d. c. 2. §. 17.* quæ nihil aliud sunt, quam pacta quædam, quæ constitutæ Reip. conservandæ gratiâ adjecta sunt, quo spectant A. Bulla Caroli IV. Capitulationes, Imperii recessus *Reichsabschied/ Reichsfakungen/ Poliscy vnnnd Cammergerichts Ordnung.* Quæ ad tria superiora maje-

statis jura, pūta constitutionem, commissionem, & res referuntur. Matth. Bort. d. c. 2. §. 20. hāc tamen inter illa servata differentia; quòd imperii jura sint priora, & caussa legum fundamentalium, & quòd sine illis nulla Respub. constitui; aut constituta conservari possit, at verò sine hisce Resp. constitui & consistere omninò possit, quāvis ad conservandum imperium, & coercendam imperantis potestatem non parum faciant, unde illis origo.

CAPUT II.

De Majestate Imperantis ejusq; Juribus.

Hic usque Majestatem imperii, ejusque jura exposui, sequitur *Majestas imperantis*, quam vocant personalem, eamque definitio potestatem summam, quam qui statui præest, obtinet in subjectos.

2. *Sūma potestas* est, nō quòd eā prorsus nihil sit superi⁹, sed quòd neque superiorem, neque æqualem inter homines ullo modo habeat, arg. l. 34. in pr. de vulg. & pupill. subf. Sicuti in simili Philosophi summum genus etiam illud vocant, quod in suo genere vel categoria summum est, ut est substantia in prædicamento substantiæ, quantitas, qualitas, actio, passio, relatio, in suis prædicamentis; & apud Ramæos, caussa, effectum, subjectum, adjunctum, &c. in suis categoriis, quorum tamen omnium genus summum absolutè & simpliciter est Ens. Planè hoc sensu majestatem potestatem summam voco, quod in suo genere sit summa, & à superiori nullo dependeat, nisi à Deo. Sic Teutelianus in lib. ad Scapulam; Colimus (ait) *Imperatorem sic, quomodo & nobis licet, & ipsi expedit, hominem à Deo*.

Deo secundum, & quicquid est à Deo consecutum, à solo Deo minorem. Et Guntherus in *Ligurinolib. 6.*

Nullum caput ista super se
aspicit, excepto cælorum rege, potestas.
Et Martialis:

Qui rex est, regem maximè non habeat

3. Hæc si unius est, constituit monarchiam; si plurimum est, & paucorum, aristocratiam; vel universorum, democrati-
am. Henod. in *Thalia*. Jacob. Simanca 2. de *Rep. 3.* Bodin. 2. de *Rep. c. 1.* P. Gregor. 5. de *Rep. 1.* In aristocratiâ & democratiâ majestas universis quidem; non verò singulis attribuitur. Kirchn. de *Rep. disp. 5. §. 6.*

4. Summa est; ergo legibus soluta. Posita namq; causa, & effectum poni necesse est. Itaque summam potestatem qui habet, legibus solutus habetur. *l. princeps 31. de ll.* De cujus legis genuino sensu ferè sexcentæ circumferuntur opiniones, quas relatas vide apud Barclajum *lib. 3. c. 15. & seq. de regn. vel regal. potest.* Arniseæ. de *stat. imper. Rom. c. 6.* Valsq. *ill. controuv. p. 1. c. 26. n. 13.* Alber. Gentil. *disp. 1. de potest. reg. absoluta*: Ego sic sentio, nec cuique assentiendi legem impono, Principem omnibus legibus esse solutum, exceptis juribus seu legibus imperii, & quæ de iis lata sunt, fundamentalibus. Princeps inquam, solutus est legibus civilibus, naturalibus, divinis. Nam primo exceptio firmat regulam in casibus non exceptis. Dd. in *l. 1. de reg. jur.* Atque dictæ l. Princeps. exceptio est in legibus regni, & fundamentalibus, ad quarum observantiam princeps juramento adstringitur. Bodin. *lib. 1. de Rep. c. 8.* Buxtorff. ad *A. B. §. 7. lit. g. & h.* Auctor *disp. de jure Princip. concl. 44.* Ergo his exceptis, aliis omnibus est solutus. Deindè quæro ex illis, qui Principem summum legibus

obligatum esse opinantur, unde obligatio illa sit? Certè non à Principe ipso, siquidem nemo sibi legem dicere potest à qua ei, cum libuerit, recedere non liceat, *l. 22. de leg. 3. l. pen. de arbitr. Nulla* (inquit Javolenus) *obligatio consistere potest, quæ à voluntate promittentis statum capit. l. à Titio. 108. §. 1. de verb. oblig. Panormit. inc. pro illorum. de præbend. nec à prædecessoribus; quia par in parem non habet imperium. l. 13. §. 4. ad Trebell. c. 20. de elect. & elect. potest. Bodin. lib. 1. de Rep. c. 8 p. 164. & seq. nec à superiore; quia ipse summus, superior enim non habet minus à subditis, cum hi accipiant, non dent leges. Aeneas Sylv. tract. de ori & auctor. imper. Rom. c. 20. & seq. Dn. Arumna. discurs. Acad. 7. vol. 1. Undè Imperator Justinianus ait in Nov. 23 c. 2. neminem tantæ esse potestatis, ut Principem nolentem cogere possit. Deficiente igitur imperio in summam potestatem ulli hominum competente, deficient quoque leges eandem constringentes, deficientibus his, deficit quoque; inde resultans obligatio; obligatione autem deficiente, necessariò sequitur, summam potestatem nullam esse, quæ legibus constricta sit. M. Reinh. Rönig. in disput. de majest. Summa huc redit. Princeps solutus est, ergo non obligatus; vel Princeps non est obligatus, ergo solutus. Sunt enim hæc contraria immediata, quorum hæc est, natura ut uno posito, alterum tollatur; & altero sublato, alterum ponatur. *l. hæc verba, ille aus ille. 124. de verb. signif.* At, inquis, ipse leges, naturales præsertim & divinæ Principe sunt superiores. Balb. in c. 1. §. notandum. s. n. 2. de his, qui feud. rer. poss. iis igitur solutus non est, quia inferior non potest abrogare legem superioris. Tiraq. de pen. leg. temperand. caus. 38. n. 2. Undè Baldus ait, magnum esse Cæsarem, sed majorem esse veritatem in l. Aemilius de minorib.*

Et

Et Augustinus, remota justitia quid sunt regna, nisi magna latrocinia, *de civit. Dei lib. 4. c. 4.* Quibus motus D. Althusius negat absolutam, summam, & legibus solutam potestatem, *cap. 9. Pol. n. 27. 22. 25. 26. 27. & capit. 19. n. 9. 10. 11. 35. 36. 46. 53. & seq. item cap. 24. n. 49. & capit. 39. n. 8. 128.* Ita quidem est, ut ais, sed scito; in hac quaestione non esse sermonem de legibus, quatenus Principem dirigunt, seu quatenus sunt obiectum, regula & norma justitiæ, sed quatenus eadem sunt instrumenta & media subservientia majestati, & exinde principi ad regendam rempub. Posteriori modo Ulpianus leges consideravit, cum principem legibus solum dixit *in d. l. princeps.* non priori. siquidem obligatio legis non ab ejus introducendæ ratione, sed à jubentis voluntate, jussu & præcepto pendet, *l. obligamur. 52. §. 5. de oblig. & act. l. 1. de legib.* Ratio sine jussu ad æquum bonum; lex autem in se continens præceptum & jussum, ad imperantis majestatem pertinet. Sic enim à Bodino *li. 1. de rep. c. 8. & lib. 3. c. 5. in pr.* definitur lex, quod sit summæ majestatis jussum; seu ut Papinianus Ictus ait, præceptum, *l. 1. de legib.* Quocirca leges divinæ & naturales, rationes & jura rectius, quàm leges dixeris cum D. Vult. *in com. Inst. ad §. sed quod Principi. n. 8. de jure nat. gent. & civ.* Hæ ut dixi, à Principis potestate sola dependent; illa immediate sunt à Deo & recta ratione, quibus Princeps obligatus manet. Hinc Princeps pacta & conventiones honestè dissolvere non potest, Bodin. *d. c. 8.* sed iis omnino stare cogitur. Vafq. *ill. contr. lib. 1. c. 3. n. 1. & seqq. Mynsresp. 24. n. 19. KecKerm. disp. pract. 29. q. 3.* etiam inter veniente actu aliquo juris civilis, veluti stipulatione, Vafq. *d. lib. 1. c. 1. n. 7.* sive cum exteris, sive cum civibus & subditis contraxerit. Bodin. *d. c. 8.* D. Vult. *conf. Marp. 34. nn.*

115. vol. 3. nec alteri jus suum vel bona auferre potest. *Hottom. illustr. quest. 1. Pinell. rubr. C. de rescind. vend. p. 1. c. 2. n. 24. nisi publicâ urgente necessitate. Geil. 1. Observ. 56. 57. 58. & 142. n. 12. Hart. Pistor. lib. 2. pract. observ. q. 40. n. 43. & refuso justo pretio. War. ab Erenb. de regn. subsid. c. 10. n. 10. Si tamen jure supremæ dominationis suâ potestate abutatur, de facto quidem illud fuit, sed absq; ullo metu poenæ, tutus scil. summa majestâte. Alber. Gentil. disp. 1. de absol. reg. potest. Auctor disp. de jure Princip. concl. 44. qui tamen divinæ majestatis judicium non effugiet.*

5. De Imperatore nostro Romano-Germanico quaeritur, an is etiamnum in imperio summam & solutam legibus potestatem seu majestatem habeat? Ita sanè puto. Olim habuit, ergò & hodiè, *arg. l. precipimus. C. de appell. l. sancimus. C. de testam.* Cum numquâ & nusquâ neque expressè neque tacitè illa Imperatori sit adempta. quin eidem passim in Aurea Bulla, Constitutionibus & recessibus imperii majestatem attribui legimus. At verò majestas est causa immediata potestatis legibus solutæ. Amisè *in tr. de jure majest. c. 3. n. 1. D. Arumæ. discurs. Acad. 7. vol. 1.* in cujus signû plenitudine potestatis, Römischer Kayserl. macht vnd volkommenheit utitur. Aurea Bull. *in præf. circa fin. & tit. 2. in pr. 1. 8. 13. 16.* Undè imperii caput non immeritò dicitur, *A. B. 1. 2. ibi: erwählen ein Weltsich Haupte dem Christlichen Völk.* Recess. imperii *de anno 66. §. wölen auch. ibi: wie wir dan als Römischer Kayser / vnd das Oberhaupt im H. Reich. nobilissimus. l. 3. de natal. rest. O. primus & Maximus. l. in honoribus de vacat. muner.* Et ipso Papâ fatente summus Princeps, *c. Apostolica de re jud. in 6.* Hoc ipsum Philippus Hassiæ Landgravius; Princeps omnium seculorum memoriâ celebrandus, jam olim

Grasy

Granvellano objecit. Carolo V. Imp. per imperium auctoritatem super omnes reges conciliari, teste Sleidano *lib. 17 de stat. relig.* Quam præminentiam ipse Turcarum princeps, qui tamen se omnium imperatorum ter maximum appellat. *Kirchner. disp. 3. coroll. 4.* Imperatori defert hac formula; *In fide Jesu Nazareni inter ceteros principes Christianorum summo*, uti constat ex epistolis Turcicis à Nic. Reusnero editis. Dissentit Ferd. Vasquius *ill. controuv. p. 1. in præfat.* ubi regem suum Hispaniæ, dignitate, potestate, ditione & imperio omnes principes antecedere duodecim argumentis operosè, sed frustra demonstrare conatur. Nec majestatis prærogativa, sed dignitatis tantum nomen ei à Cancellaria Imperiali tribuitur. *Kirchner. d. disp. 3. coroll. 7.* Ridiculus quoque Moschus, qui sibi ipse Cæsaris nomen sumpsit. *Kirchn. ib. coroll. 8.* Nec toleranda eorum est opinio, qui sacrosanctum hoc imperii caput Pontifici Romano subesse scripsitarunt, eumq; utrumq; gladium habere, juxta illud, ecce duo gladii hic: & omnes judicare, à nemine autem judicari. *c. unam sanctam. extrav. de major. c. omnes dist. 22. c. cuncta. 9. q. 3. c. novit. 13. de judic. c. venerabilem 34. de elect. & elect. potest.* Quin nec imperii procures Pontificem superiorem agnoscunt. *Matth. Steph. de jurisd. lib. 3 c. 3. n. 68.* sed nec ulla causa, ne quidem ab Imperatore, extra imperium trahi potest. *Schramman Observ. Camer. 21.* nec Status alicubi extra illud se sistere tenentur. *Ord. Camer. p. 2. l. 7. §. doch die selbigen auß dem Reich.* *Crantz. in Sax. lib. 10. c. 38.* *Myns. I. Observat. 14.*

6. Hinc etiam deduco, Statum imperii Germanici esse monarchicum. Nam si solus Imperator plenitudine potestatis utitur, summumque in imperio habet impe-

rium, adeoque solus legibus est solutus, illum monarcham, & vi conjugatorum remp. Germanorum monarchiam esse, necessario consequitur. Et quamvis hodie reliquæ imperii hujus non nisi tenuis magni corporis umbra Sleidano *de IV. monarch. lib. 3.* Et vix quadragesimam portionem veteris monarchiæ æquent, Freser. *in not. ad lib. 2. P. de Andl. cap. 18. in fin.* & ut Bodinus *cap. 7. meth. histor.* scripsit, vix centesimam partem orbis terrarum contineat; tamen quarta monarchia esse non desit, utpotè quæ non locorum spatiis, vel numerosa provinciarum multitudine est definienda. Bodin. *lib. 1. de Rep. c. 9. Kirchn. disp. 3. §. 5.* Sicuti enim exigua familia angustissimis gurgustis comprehensa, eodem familiarum jure censetur, quo quæ superbissimis, ac latè patentibus ædificiis gloriantur: Sic Ulysses, cujus imperium Ithacæ scopulo continebatur, rex æquè dicitur ab Homero, atque Agamemnon, Bod. *d. c. 9. n. 10.* Similiter Emathion angustis pagis inclusus Justin. *lib. 7.* & cujus uxor cibaria coquebat, Herod. *li. 2.* rex erat non minus, quam Alexander Magnus, qui totum orbem sibi debellasse videbatur, aut Hispaniarum rex, qui altera manu orientem, altera occidentem tangit.

7. Ad alios pergo, quibus tanquã superioribus majestas non minus, quam Imperatori competit, licet gradu qualitatis minore. Nec enim astipulatorem me habent illi, qui Imperatori simpliciter totius mundi dominium attribuunt, eique omnes reges & principes subjiciunt, quod tamen adeo verum putavit Bartolus, ut dissentientes hæreticos vocare non dubitarit, *in l. hostes de capte, & postlim. revers.*

8. Quid igitur de Pontifice Romano dicemus, an ei majestatem denegabimus? Ratio dubitandi est, quod iis

sit subditus & vassallus imperii Bodin. 1. de Rep. 9. Dantes
 de monarch. lib. 3. Eberhard. à W eihe inorat. de jure Pontif.
 W aren. ab Erenb. de subsid. regn. c. 2. n. 45. quos majesta-
 tis incapaces infra dicemus. Accedit quod Episcopis,
 quos inter familiam ducit Papa audientia tantum, non
 autem jurisdictio seu potestas politica in jure tribuatur.
 tot. Tit. C. de Episcop. aud. & ibi Cujac. in presat. Separata e-
 nim dona Dei sunt Sacerdotium & Imperium. Nov. 6. in
 pr. maleque sonat psalterium cum cithara. Ferrariens.
 in form. libelli resp. rei convent. glos. 18. n. 1. Ratio decidendi
 est, quod Papa in suis terris superiorem non cognoscat,
 & sic summam, legibusque solutam habet potestatem, o-
 mniaque ea, quæ monarcha exercere potest. Peregrin. li.
 1. de jurib. & privil. fisci. c. 2. n. 2. quam opinionem com-
 munem dicit Afflict. in c. 1. numer. 2. qua sint regal. 2. T. 53.
 inque eum crimen læsæ majestatis committi posse, assero
 cum Hieronym. Gig. in tract. de crim. læs. majest. lib. 1. rubr.
 qualiter & à quib. crim. n. 2. Hæc tamen Papæ potestas in-
 tra suos limites contineri debet, nec extra ditiones ejus
 extendenda est. Absurdum enim est, dicere Papam o-
 mnium Christianorum esse dominum. c. cuncta per mun-
 dum: 9. q. 3. & ab eo omnia regna dependere, ut scripsit
 Bartolus in extra v. ad reprimendum super verb. totius orbis.
 Nulla enim res publica salvo majestatis seu superioritatis
 jure superiorem Pontificem agnoscere potest. VVaren.
 ab Erenb. de regn. subsid. c. 2. n. 16. Kirchn. disp. 2. coroll. 1. lit. c.
 Etsi autem in bonis feudalibus Cæsarem superiorem me-
 ritò reveretur Papæ, in aliis tamen ipse summus Princeps
 superiorem non videt, quo respectu ei majestatem iure
 tribuat præsertim cum duæ hæ potestates, ecclesiastica
 scil. & politica hodie in uno eodemque subjecto, exem-
 plo

plo Archiepiscoporum, Episcoporum & abbatum Germaniæ optimè consistere possint, Geil. 1. *Observ.* 30. & de pace publ. lib. 1. c. 1. n. 13.

9. Item statuo de regibus Galliæ, Hispaniæ, Angliæ, Ungariæ, Daniæ, Poloniæ, Sueciæ, qui in suis regnis sunt Monarchæ. Jacob. de Bellvis. in c. 1. *Quis dicat. Dux. Marahio.* omniaq; posse dicuntur in suis regnis, quæ Cæsar in imperio. Curt. jun. *conf.* 1. n. 30.

10. Et generaliter omnibus omninò superiorem non recognoscentibus maiestatem tribuo, è quorum numero est serenissima venetorum Aristocratia. Bald. in l. 1. de rer. divis. Bart. in d. l. *hostes.* Alber. de Rosate in l. 1. c. de summ. Trin. quæ domina maris Adriatici. Bart. Capoll. de servit. rust. prad. c. 26. nu. 28. nova Roma. Raph. Fulgos. *conf.* 62. communis omnium patria. Cuman. *conf.* 72. in fin. & aliarum civitatum regina dicitur à Gig. in d. tr. de crim. las. maiest. rubr. *quotuplex sit maiest.* n. 16.

11. Sed quid de iis statuemus, qui se alterius clientelæ subjiunt, an eos maiestatem amittere, & patrono concedere putabimus? Nihil minus. Sic enim Proculus Ictus in l. non dubito. 7. §. 1. de capt. & postlim. revers. ait: Liber autem populus est is, qui nullius alterius populi potestati est subiectus. siue is foederatus est, item siue a quo foedere in amicitiam venit, siue foedere cōprehensus est, ut is populus alterius populi maiestatem comiter cōservaret. Ex quibus verbis liquidò cōstat, ius clientelare, & ius superioritatis seu maiestatis esse separata. Sixtin. *consil.* Marp. 8. n. 109. vol. 3. quorum unum ex altero non infertur, arg. l. naturaliter. §. nihil commune. de acquir. possess. Everh. in loc. à separatis n. 1. Schus vñ schirm gibe keine Obrigkeit/ ait Geil. 2. *Observ.* 54. Schurff. cent. 3. *sonf.* 23. Curt. jun. *conf.* 286. n. 22. vol. 3. Parthen, Litigiosus lib. 3.

lib. 1. c. 10. n. 12. Gigas *in d. tr. de crim. les. maj. pag. (mihi) 117.*
Bodin. 5. de Rep. 6. P. Frider. l. 2. de mand. c. 14. Thom. Mich.
de jurisd. conclus. 55. Sed quoniam ex defensione sapè vi-
 demus fieri offensionem, componantur cautè protectio-
 nis capita, ne ex illis occasio subjectionis potius, quam
 protectionis beneficium oriatur, ut benè monent Bodin.
d. c. 6. n. 587. P. Greg. de Rep. l. 11. c. 11. n. 6. Mynl. resp. 13. decad.
2. n. 11. Erenb. de foeder. l. 1. c. 4. n. 13. Sixtin. de regal. c. 9. n. 86.

12. Addidi in definitione *perpetua*, siquidem majestas
 nullo temporis spatio terminatur, sed eo animo datur &
 accipitur, ut apud imperantem sit, quandiu vivit. Ergo
 quibus precario & ad breve tempus summa conceditur
 potestas, cum pacto, ut lapsa tempore, potestatem illam
 deponant, rerumque à se gestarum rationem populo,
 Optimatibus vel Principi reddant, iis majestas propriè
 non competit, sed potius summæ potestatis ac imperii a-
 pud ipsos depositi custodes tandiu sunt, quoad summus
 Princeps, Optimates, populusve id reposcant, cujus ipsi
 verè domini possessores & arbitri sunt, Bodin. *de Repub.*
lib. 1. cap. 8.

13. Denique in majestatis definitione posita sunt hæc
 verba, *in subiectos*: quibus non tantùm cives & subditi, sed
 etiam peregrini, & qui jure commorationis, vel hospitii
 subiecti, & quodammodo subditi sunt, comprehendun-
 tur. Kirchn. *disp. 2. de Rep. d. 3. in fin.* Paurm. *de jurisd. lib. 1.*
cap. 3. n. 11. & 12.

14. Cæterum summa & perpetua hæc potestas, seu ma-
 jestas suâ naturâ & individua est, ac incommunicabilis,
 Kirchner. *de disp. 2. d. 4.* Nam summum & unum conver-
 tuntur, ac proinde superioritas pluralitatem respuit. Ut
 enim mundus non patitur duos soles, sic quoque nec

Discursus Politicus

imperium patitur duplicem majestatem. Rol. à vall. *consil.*

1. n. 138. Novimus quidem Duos quandoque vel tres se Imperatores nominasse; novimus quoque Duos vel tres soles apparuisse. Plinius *hystor. natur. lib. 2. cap. 31.* & hoc ipso die, qui est XXV. januarii anni c 10 100. XXII. dum hæc scribo, circa oram octavam matutinam tres soles visi sunt, cujus rei causa naturalis, fide opticorum, posita est in mistura reflectionis & refractionis, quo fit, ut imago secunda & tertia tot modis obliquata debilior sit. R. siner. *Opticor. lib. 4. Theor. 20.* sed vicissim novimus, plures unius solis imagines tandem iterum dissipatos esse, necdiu plures, qui se Imperatores nominarunt, regnasse sed tandem etiam ad unum, reliquis prostratis, regimen devolutum fuisse. vid. Peucer, *in divinat. tit. de Meteorologia. pag. 585. & seq.* Nec præscriptione majestas à subditis, quâ talibus, acquiritur. Hoc enim ut inferiores juris superioritatis capaces nemo sanus dixerit, Th. Mich. *de jurisdict. conclus. 8. lit. c.* Vid. Vasq. *p. 1. lib. 1. controv. illustr. c. 2. n. 14.* Fateor in Aristocratia & Democratia majestatem multis tribui, at non singulis, siquidem in statu polyarchico major pars vel pauciores, iiq; digniores, summum habent imperium, singulis incommunicabile.

15. Quod cum ita sit, quartam ex duabus vel tribus conflata majestatem minimè admitto, sicuti nec mixtum Reip. statum, Atque hanc sententiam ante quinquennium in florentissima Salana, quæ est Jenæ, ubi tum temporis studiorum gratiâ degebam, auditoribus meis privatim ad disputandum proposui, motus sequentibus rationibus, quas postea Clarissimus Academiae Tubingensis Politicus Dn. Christophores Besoldus (cui vita & salus) refutandas suscepit, idq; quæ est modestiâ amicè & candidè fecit

fecit *vid. lib. 1. Polit. c. 8. §. 1. & 2.* Quod igitur tibi solertissimè Politice licuit, mihi integrum esse haud negabis. Scripsi, per naturam nunquā fieri, & ne quidem imaginatione perfici posse, ut summa potestas sive majestas cum inferiore commisceatur, ut tamen maneat summa, è Zachar. Fridenrich *Pol. cap. 18. & 19.* Huic rationi responderet Besoldus, summam potestatem manere, sed non ei uno; verum in corpore seu collegio *αρχήτων* universo. Cui repono, nullam hīc esse mixturam, nec ejusmodi statum à polyarchico differre, ubi majestas universis tribuitur, non singulis. Perge verò. Etsi (*ais*) majestatis jura in solidum fuit penes collegium, nihilominus tamen ita dividi possunt, ut quædam Rex quædam Senatus, aut quædam optimates, & quædam plebs habeat, nec senatus sine rege ea obrineat, iisve plebs simul firmatur, & nobiliores. Regero. Si in statu polyarchico majestatis jura collegio qua tali tribuuntur, eadem quā membris singulis attribui possent, equidem non video. Sic enim ICtus Ulpianus *in l. 7. §. 1. quod cuiusq. univers. nom. debet.* Si quid (*ait*) universitati debetur, singulis non debetur; nec quod debet universitas, singuli debent. Ecce ICtus universitatem & singulos inter se opponit, atque ea, quæ universitati tribuuntur à singulis removet, & contra. Sic quoque bona universitatis non sunt bona singulorum, nec contra. *lib. 6. §. 1. de rer. divis. §. universitatis. Inst. eod.* & exindè pro debito universitatis non dicitur actor singulorum, nec contra. *l. 2. quod cuiusq. univers. nom.* Pari ratione infero, jura majestatis in statu polyarchico in solidum collegio tribuuntur, ergo à singulis membris removentur. Sed fingamus opinione, si possumus, majestatem sic communicari & dividi, ut resideat partim penes Principem, par-

tim penes optimates , partim denique penes populum. Singulorum horum potestas erit vel par , vel impar. Non illud , quia nulla earum maneret summa, utpote quæ cum unitate convertitur , adeoque nec parem admittit. Non istud, quia unam ex iis oportet esse superiorem & reliquas inferiores, vel contra. Utrumque dictum absurdum, quia unius superioritas reliquorum potestatem subordinatam & inferiorem arguit, quæ majestati à regione adversatur. Scripsi contradictionem involvere esse penes unum supremam & absolutam potestatem, & eandem esse penes plures. Respondet Dn. Besoldus, verum hoc esse in statu simplici monarchico, falsum autem in statu mixto, quam polyarchico accenset. Sed hoc ipsum est in quæstione, an in statu polyarchico imperium summum ita inter plures sit ut partim etiam penes unum sit, hoc affirmanti probandum erat. Scripsi, majestati nihil tam esse contrarium, quam dividi & communicari. Concedit, si prædicatum hoc copulatur monarchicæ majestati : alias in omni polyarchico ea communicari. Respondeo, in statu Polyarchico, scilicet aristocratia & democratia, majestatem universis quidem, at non membris tribui. Scripsi, majestati repugnare à superiori dependere. Atqui in monarchia aristocraticis rationibus reperiata, omnis potestas inferioribus magistratibus data, à superiori quam monarcha solus obtinet dependet. Ergo solus monarcha majestatem habet. Poterat etiam argumentum sic formari: Potestas ab alia dependens non est majestas, atqui in statu mixto (cujus modi Besoldo est imperium Germanicum) Optimatum, veluti Procerum potestas à Cæsare dependet, ergo non est majestas. Propositio sic patet, quia summum & independens convertuntur,

tuntur. ſicuti dependens & ſubordinatum. Aſſumptio
 tum ex eo cõſtat, quod ius creãdi reges, electores, princi-
 pes ſit reſervatum Cæſari, eiq; ſoli competat, tũ ex Cæſa-
 reo quodam decreto, quõd hiſce verbis recitat. Hen. Bru-
 ning. *de nariis univerſ. ſpecieb. concluf. 10. lit. b.* daß der
 Churfürſten Hochheit vnnnd Autoritet/ mit eines Rõmi-
 ſchen Kayſers Gewalt vnnnd Hochheit / Daher ſie auch
 fleuſt dermaſſen verbunden/ das eine ohne die ander nit
 verſchmeſt werden / auch ohne die ander nichts beſtes
 ſen kan, ja das die Höchſte Würde den Churfürſten/ da-
 mit Sie vor andern Königen vnd Potentaten gezieret/
 eben dieſe iſt / das ſie einen Rõmiſchen Kayſer / deſſen
 Hochheit/ Autoritet vnd Gewalt alle andere übertriffet/
 von den auch alle andere herfleuſt / zuerwehlen haben.
 Et hoc eſt quod l'ctis communiter placuit, omnes digni-
 tates, poteſtates, iuriſdictiones ab imperatore fluere &
 dependere. Sixtin. *de regal. lib. 1. c. 4. n. 3.* Gilhaus *p. 1. arb. ju-
 dic. civil. c. 1. n. 1.* Roſenth. *de feud. c. 6. concl. 85. n. 3.* Quid ad
 hec Dn. Beſoldus? Eaterur caput plerunque (imò ſemper
arg. l. 43. de relig. & ſumpt. funer.) multis modis præ reli-
 quis membris excellere: non tamen in ſolidum omni im-
 perii iure frui. Quæ reſponſio cum prioribus petit princi-
 pium, eademq; facilitate, quã affirmatur negatur. Scri-
 pſi, in monarchia, quæ ariſtocraticè gubernari dicitur,
 monarchã omnes eſſe inferiores, illiq; obſequium præ-
 ſtare teneri. Non concedit hoc Dn. Beſoldus, niſi quoad
 iura, quæ monarchæ ſoli competũt. At quanam illa, quæ
 illi cum optimatibus communia. Reſpondet, bellum fa-
 cere, focdus inire, leges facere, transferre cameralem ſe-
 dem &c. Hæc nimirum eſt baſis & fundamentũ cui con-
 traria ſententia innititur, quo deſtructo, omnia ſuper-

structa destrui necesse est. Sed respondeo, & gubernator navis unus omnia agere dicitur, ita Imperator proa puppisq; est omniū eorū, quæ in comitiis imperii peraguntur, tametsi sine statibus, ut causis adiuvantibus prædicta & eiusmodi alia nō fiant, exemplo veterum Imperatorum Romanorum, qui sine consensu & consilio senatus, ea quæ ponderis alicuius videbantur, nō expediebant. *l. humanum. C. de legib. l. cum hic status. de donat. int. vir. & uxor. Brisson. li. i. antiq. c. 16.* etsi summam, & absolutam habuerunt potestatem. At inquis, alium nunc esse imperii statum, quàm olim, siquidem convocatio. Statuum olim erat voluntatis, hodiè verò est necessitatis. Equidem fateor, Cæsaris potestatem hodie esse limitatam & restrictam, sed tamen sine diminutione maiestatis, quia modus rei, rei essentiam nec facit, nec tollit, ut mox dicam. Et quàmvis imperii Status quorundam iurium maiestatis exercitium ex permissione Cæsaris habeant, tamen iura maiestatis quoad proprietatem sibi arrogare non possunt, utpote qui Cæsaris legibus tenentur, eique obsequium & fidelitatem iurant, ac proinde propriissimè Imperatoris subditi dicuntur, *vid. infra thesin. 23.* Neque respectu eorum, quæ in comitiis cum EE. & Principum consensu peraguntur, isti Cæsaris subditi esse desinunt, aut iura quædam maiestatis obtinent, siquidem adhuc Cæsarem superiorem agnoscunt & reverentur. Et ut causâ instrumentalis à principali tota pendet, regitur & dirigitur: ita Status ab Imperatore. Scripsi, multum interesse, iura supremæ maiestatis contrahantur an detrahantur: quorum illud absolutam quidem potestatem imminuit, summum magistratum non semper tollit, hoc verò ne magistratum quidem ipsum relinquit, quia maiestatis

ſtatis iuribus nullus carere magiſtratus poteſt. D. Fri-
denreich *d. c. 18.* Non abnuit Dn. Beſoldus; nempè ſi con-
trahenter, fieri mixturam, ſi detrahantur, meram ariſto-
cratiam. Malè. Ut enim calor non ſit alius etſi gradibus
varietur, & modo ſit intentior, modo remiſſior, ſimiliter
maieſtas ſuos habet gradus, ſeu modos, ita ut vel libe-
rior, vel reſtriſtor ſit nec tamen eſſentiâ inter ſe diſſe-
runt, ſed modis ſaltem, ut maior caloris gradus, à gradu
minore. Itaque maieſtatis eſſentia non ſit alia, ſed altera,
quando iura maieſtatis contrahuntur. Nec ad maieſta-
tem requiritur, ut ſit omnimodò libera, & infinita. *Rir-
chner diſp. 5. §. 1. in fin.* ceu voluit Paurmeiſter *de iuriſd. lib.*
2. c. 2. n. 100. Nam & olim Germani, Tacito teſte, ex no-
bilitate reges ſumpſerunt, ſed iis numquam infinitâ, aut
abſolutè liberam poteſtatem dederunt. Sic igitur firmi-
ter ſtatuamus, niſi omnia Philoſophorum decreta ever-
tere, vel quod caput eſt, in Rebus publicis benè conſtitu-
tis meram confuſionem & anarchiam inducere, & ſub-
ditos in magiſtratū ſumum armare velimus, maieſta-
tem ex duabus vel tribus conſtatam nihil aliud eſſe, quâ
hominum quorundam purum putum ſigmentum, quæ
mixture velut imater infeliciffima, peperit ſtatum Rei-
pub. mixtum, monſtrum tetrum atque horrendū, nec in
nobiliffima ſcientia Politices ferendum, ſed omnibus
modis exſtirpandum. Et quamvis hanc ſententiam, quæ
Bodino politicorum optimo maximo debetur, multi op-
pugnent, eam tamen nunquam expugnabūt. A partibus
Bodini ſtant P. Gregorius *5. de Rep. 1.* Hippol. à collibus *in
princ. c. 1.* Zach. Friderich. *Pōl. c. 18. & 29.* Bornitius *de iure
maieſt. c. 11. & 13.* Otto Melander *in idea ſtud. polit. pag. 73.*
Timpl. *5. Pol. q. 7.* Caſus *li 3 ſph. civit. c. 5. q. 1.* Dn. Arumæus

2. ob 1. discurs. iur. publ. 1. qui viri?

16. Hermannus Kirchnerus *disput.* 3. §. 7. *lit. e.* priori mixtura valere iussit, aliam ex divita & communicata gubernandi seu administrandi ratione statui, eo quæ sensu nullum unquam purum, & simplicem Reip. statum existisse, nec hodie extare scripsit idē *d. disput.* 3. *coroll.* 10. Sed hæc opinio confundit, rei essentiam, cum modo rei. Nec enim quæritur de administratione status, quæ potest esse mixta, sed de natura status & essentia, quæ consistit in potestate summa seu maiestate. Nec ex modo administrandi mixtura status est inducenda, utpote qui est accidens, quod & rei essentiam non constituit: ita nec mutare potest. Scal. *li.* 7. *c.* 3. *in Theophr. hist. de plant.* & *ex* 307 *f.* 27. Zabarell *2. post analys.* *c.* 12. ac proinde mixtura ista accidentalis accedit, atque decedit sine Reip. status mutatione.

17. Et tantum de maiestatis personalis definitione, ex qua planissimè colligitur, qui maiestatem obtineant, qui vè non. Obtinere dixi omnes, qui post Deum immortalem, se ipso maiorem vident neminem: ergo à contrario sensu maiorem & superiorem habentes, maiestate destituuntur, de quibus iam ordine. Primus autem se offert Rex Romanorum, cuius etsi magna & eximia sit potestas, adeò ut cum Imperatore unum & idem tribunal & auditorium habere, Matth. Steph. *lib.* 2. *de iurisd.* *p.* 1. *c.* 2. *n.* 55. G. Schönborner *lib.* 5. *Pol.* *c.* 19. omnia quæ Imperatore absente, quæ ipse præsens, facere posse censeatur, ut patet ex vulgata illa in Recellibus imperii iterata locutione, *wir aber in abwesen Römischer König.* nisi expressè quid esset prohibendum. Iseunia *inc. imperialem nu.* 13. *de prob. b. feud. alien. per Frid.* illi ramen maiestatem in se se proprie non puto, quia Cæsarem superiorem agnoscit, nec

nec illo vivente ullam in status imperii iurisdictionem suo nomine exercere potest, unde etiam imperii tantum vicarius dicitur. *Aurea Bull. cap. 2.* nec crimen læsæ maiestatis in eum committi omnino existimo, cum non entis nulla sint adiuncta. *l. eius, qui. pen. de rebus. cred. l. neque naturales. C. de probat.* & privatio præsupponat habitum *l. 83. de R. iuris.* Dissentiunt Hieronym. Gigas in tract. de crim. læs. maiest. lib. 1. q. 15. Ant. Quetta cons. nu. 17. Mynsing. resp. 44. decad. 5. num. 14. Matth. Steph. & Echönbor. *dd. locis.*

18. Quid de Rege Bohemiæ an ei maiestatem inesse dicamus? Is enim superiorem habere non videtur, cum nec legibus aut institutis vel constitutionibus Germanorum regatur, & ab hac natione excludatur in Saxon. *Landrecht lib. 3. art. 57. & lib. 1. Lehenrecht c. 29. §. 1.* vid. Goldast. p. 2. *Reichsordnungen fol. 63. §. anno 1370. & p. 63. §. 1383.* nec ad comitia & convētus imperii ordinarios vocatur. Buxtorff. *ad A. B. concl. 41. lit. d.* nec circulo alicui addictus sit. Freher. in not. *ad P. de Andl. lib. 2. c. 2.* nec denique contributionibus aliisque oneribus imperii sit obnoxius. *Recess. Imper. 1500. §. wie man mit den Königen.* Sed his nihil obstantibus, statuo Bohemiæ regi maiestatem non competere, adeoque nec crimen læsæ maiestatis in illum committi. Nam & is Cæsarem superiorem semper agnovit, Freher. *d. lo.* eumque in Camera conveniri posse, testatur Cameralis l. c. 12, quæ refert Buxtorff. *ad A. B. 78. in fin.* Unde regnum Bohemiæ nobile imperii membrum vocatur à Carolo V. in consilii. *de jur. Elect. reg. Bohem. compet.* idemque Germaniæ partem esse scripsere Aeneas Sylvius & Bohem. & Freherus *de cap. 2.*

19. Nec etiam Vassalli, seu fiduciarii summam habent

potestatem, seu maiestatem, utpote qui fidem, obsequiū, obedientiam feudi domino, tanquam superiori præstare tenentur, quique dominium iurisdictionis saltem inferioris, salvo dominio directo, & iure superioritatis, per investituram accipiunt, Matth. Steph. *de iurisd. lib. 2. p. 1. c. 7. n. 145. & 148.* nisi alia quoque habeant bona, in quibus potestate absoluta utuntur, eoque respectu superiorem nullum agnoscant, veluti rex Hispaniæ, etsi ratione Ducatus Burgundiæ Status imperii est, & ita in Comitibus regie illius dignitatis nulla habetur ratio, sed & Dux Burgundiæ sedet inter Principes, in aliis tamen suis regnis ut monarcha maiestatem obtinet. Sic rex Daniæ quamvis in suo regno sit princeps summus, ratione tamen Holsatiæ Cæsaris est vassallus, eumque superiorem agnoscit. Gail. *de arrest. obs. 6 n. 14. & seq.*

20. Insuper Dictatoribus Romanis maiestatem tribuere non possum, siquidem illorum potestas utut maxima, tantum precaria erat, & temporaria, nam post sextum mensem dictatura se abdicare cogeabantur. *l. breviter, de offic. Præf. Præf. l. populo 18. de orig. iur.* nec suo sed populi nomine procuratorio accepta, non potestatem exercebant. qui autem alieno nomine gerit, dominus non est, sed cuius mandato gerit. P. Greg. *de Rep. lib. 5. c. 1. n. 3.* Itaque per dictaturam status popularis in monarchiam non fuit commutatus.

21. Idem iudicium facio de iis, qui administratores tantum & curatores regni existunt, quales sunt in Gallia regentes regni, in Anglia i. roreges, & in Germania Vicarii Electores, Palatinus & Saxo, sive eorum nomine, manu ac sigillo, leges, edicta, rescripta, iussa denique omnia sanciantur, sive regia sigilla nomenque regis legibus ac mandatis

mandatis præponantur. Bodin *de Replib* 1. c. 8. Qui enim mandatam iurisdictionem suscepit (*aut ICtus*) proprium nihil habet *l. i. §. 1. de offic eius cui mand. est iurisd.* sed fungitur vice illius qui dedit aut concessit potestatem, *l. 16 de offic eiuscui.*

22. Sed luctatio mihi difficilior est cum iis, qui Proceribus Germaniæ maiestatem inesse opinantur. Illorum ergo rationes videamus. Status imperii, *aiunt*, habent iura seu effecta maiestatis, veluti ius leges condendi, ius collectandi, ius monetæ cudendæ &c. ergò & ipsam maiestatem, quia effecta arguunt causam, eamque præsupponunt. Hinc status in suis territoriis tantum posse dicuntur, quantum Imperator in imperio. Hen. Goeden, *conf. 5. n. 4.* Chassan. *de glor mundi part. 5. confid. 24.* Coler. *in process exco. p. 3. c. 2. n. 80.* Curt. *iun. conf. 2. n. 29.* Scip. Gentil. 3. *de iurisd. c. 18.* Geil. 1. *de pace publ. c. 6. n. 10.* atque adversus Electores læsæ maiestatis crimen committi diserte dicitur in Aurea Bulla *tit. 24.* quin etiam regibus iidem comparantur. Dan. Moller. *l. b. 1. semestr. c. 40. num. 1.* Warab Erenb. *lib 1 de foeder. c. 2. numer. 147.* Quo de adeò quidam non dubitant, ut imperii Germanici maiestatem magis in Principibus, quam in Imperatore residere existiment. Equidem ut fateor Principes, Romano-Germanicos omni laude & admiratione dignos esse, atque in suis territoriis superioritatis iura habere, ita capitale puto illos Cæsari dominatu ac potentia æquant. Sunt enim ii subditi, vasalli & fiduciarii Cæsaris, eiusque iurisdictioni omnes immediatè subiecti. Knich. *de sublim. terræ iure c. 1. numer. 187.* Ord. Cam. *p. 2. tit. 27.* Geil. 1. *Observ. 30. & 1. de pace publ. obs. 1. n. 4 & seq.* Panormit. *inc licet. nu. 45. de for. compet.* à quo investituram seu possessionem

provinciarū suarum petunt, & à quibus Cæsari iuramentum subiectionis, *die Erb vnd Landhuldigung* is pſlichte exigit. Scotus *de iust. & iure lib. 4. q. 4. art. 2.* & cui se subiectissimos profitentur. Sixtin. *de regal. lib. 1. c. 4.* Nihil obstant ea, quæ pro Statuum maiestate adstruenda, allata sunt. Nam prima possessio & exercitium regaliū summam potestatem seu maiestatem non inferunt, ut infra dicam. Deinde si maiestas magis in PP. quam Imp. resideret, imperium Germanicum non monarchicum aristocraticè Imperatum, sed potius aristocraticum monarchicè temperatum dicendum foret, siquidem à potiori res denominari solet, *arg. l. quaritur. de stat. hom.* idq; semper quod magis obtinet, spectandum sit. *l. 3. & seq. de legib.* Sic quando dicitur, imperii Status tantum possē in suis terris, quantum Imperator in imperio, intelligendum id est, salva superioritate seu maiestate Cæsarea, quæ clausula conservat, Cæsaris summam potestatem. Arnise. *lib. 1. de iure maiest. cap. 5. numer. 20.* Sixtin. *de regalib. lib. 1. cap. 5. numer. 121. & seqq.* Th. Mich. *de iurisd. concl. 25. sit. c.* Nec aliter Electoribus tribuitur maiestas quam olim Prætoribus, *l. pen. de iust. & iure.* nec in illis aliter violatur, quam sicuti maiestas Prætoris violari dicitur in *l. 9. de iurisd.* quatenus scilicet, sunt membra propria & pars corporis, hoc est consilarii Imperatoris, *l. quisquis. C. ad L. iul. maiest.* quod abusive fieri notant Gigas in *tract. de crimi. les. maiest. lib. 1. rubr. quod duplex sit maiestas n. 18.* Clapmar. *de arcan. Rerum lib. 1. c. 9.* Th. Michael. *de iurisd. concl. 7. line.* Attamen (inquit) Principes imperii habent iura superioritatis. Non abnuo, sed habent præiudicio summæ potestatis, & universalis iurisdictionis, quam Imperator si superior manere velit, in alios transferre nequit.

nequit, Althus. *c. 8. Polii. n. 53.* Auctor disput. *de iure princ. concl. 89. lib. b.* ac proinde nec sibi parem constituere Rosenth. *de feud. lib. 1. c. 5. concl. 10. 13. & seq.* Nunquam enim concedi potest tanta potestas, quin superioritas semper facta tecta remaneat, & sic majorem sibi reservet princeps. Reich. *d. c. 1. n. 316.* Zoanett. *de Rom. imper. q. 168.* Heig. *p. 1. q. 9. n. 20. & p. 2. q. 25. n. 36.* Mynf. *6. Obs. 99.* Geil. *1. Obs. 29. num. 3. & Obs. 11. n. 16.* Minden. *de process. in Cam. extrah. c. 11. n. 21.* Ad summam, Cæsaris potestas est summa, statuum verò imperii est inferior & subordinata; illa est independens & suæ originis, hæc ab illa dependens tam in essendo quàm in causando; illa est causa, hæc illius effectus, atque adeò plus non potest, quam ab illa accepit.

23. Sequuntur effecta seu iura majestatis insperantis, quæ immediatè proximè à majestate fluunt, & ad eandem resfluunt. Omnes igitur jura majestatis habent, qui majestate seu summa potestate utuntur, hac verò qui destituntur, & illis destitui, constanter assero. Affirmatâ enim vel negatâ causâ proximâ & immediata, ejus quoque effectus affirmatur vel negatur. Quæ in re contradictores habeo fermè omnes jureconsultos & Politicos, qui mihi opponunt Proceres Germaniæ: quibus Imperatores Ducatus Marchionatus, Landgraviatus, Comitatus cū omnibus pertinentiis, regalibus atq; superioritatis iuribus mit aller Landesfürstlichen Obrigkeit/concesserunt, eaque multis privilegiis confirmarunt. Reich. *in epist. dedicat. & passim in tract. de sublim. territ. jur.* Et quamvis ajunt præter id olim sub initio imperii Caroli M. principum potestas & dignitas temperaria tantum fuerat, & precaria tamen paulo post non amplius nomine administratorio, sed jure hereditario regi cæperunt, & sic ensoe-

quentur moderna illorum potestas perpetua est & ordinaria. Multum igitur interesse, inter statum Reipub. præsentem & antiquum *arg. l. qui res. §. aram. de solut.* Non me hæc movent. Sit imperii statuum iurisdictio perpetua & ordinaria, est tamen, manebitque quandiu hæc monarchia subordinata & inferior, utpotè quæ à Cæsare est, & ad Cæsarem, & coram quo vel in eius aula, vel camera subditos suos convenire tenentur. *Mynf. j. Obs. 1. Geil. 1. Obs. 1. n. 18. Gothman. resp. 32. n. 1.* Tamen si etiam status permissu imperatoris majestatis quorundam regalium habeant exercitium seu usurpationem, ipsa tamen majestatis iura quoad proprietatem minimè obtinent, ut quæ sunt individua, nec cōmunicari salua majestate possunt. *Kirchner. de Rep. disp. 2. §. 4.* Sicuti enim is, cui iurisdictio mandatur, proprii nihil habet, sed quicquid agit, id omne vice mandantis agit. *l. 16 de jurisd. l. 1. §. 1. l. 3. de offic. ejus cui mand.* qui propterea vocatur vicarius, procurator, mandatarius vel commissarius mandantis magistratus. *d. l. 1. & 3. l. 2. l. 5. eod.* ita Imperator quædam iura majestatis per Electores, Principes, Comites, quos in partem sollicitudinis, ut loquitur Carolus IV. *in c. ult. Aur. Bulle.* (nō in plenitudinem potestatis) assumpsit, veluti per manum propriam exercet. *Kirchner. d. §. 4.* Distinguendum igitur fuerit inter ius & factum. Si ius intueamur, iura majestatis sunt solius magistratus summum præter Deum superiorem nullum videntis, sive is sit Rex, sive Optimates, sive populus, & ab illo solo conferuntur: si factum seu exercitium jurium majestatis, concedo aliis ea posse cōmunicari, nec tamē exindē sequitur, ordines imperii ipsa majestatis iura habere quoad proprietatem, sed saltem quoad administrationem & exercitium; quod sine majestatis

statis diminutione fieri posse, docet Bornitius *de majest. c.*

14. Nam tum etiam solus summus magistratus iura majestatis habet, cum aliis eorum exercitium concedit, vel alii potestatem habentes ab ipso illa conferunt, puta nobilitatem &c. *per l. quod quis per alium, de reg. juris.*

24. Sunt quæ majestatis personalis jura alis majora, alia minora.

25. Majora consistunt in potestate jurisdictionis, & in potestate religionis administrandæ.

26. Potestas jurisdictionis, seu jurisdictio generalissimè sic accepta iterum in duobus capitibus vertitur, nēpè in potestate administrandæ justitiæ, & in potestate belligerandi, Paurmeist. *de iurisdic. lib. 1. c. 3. n. 12.*

27. Ad l. caput refero primo *jus leges universalis concedendi. l. 1. l. ult. §. 1. C. de l. l. de consti. Princ. Lancell. in templ. omn. jud. lib. 1. c. 1. §. 4.* quod primum & præcipuum majestatis caput. Bodin. *d. rep. lib. 1. c. 10.* Dixi, leges universales, quibus opponuntur jura specialia seu provincialia, *hoff vnd landgerichts ordnungen / Statuten / Statrecht / Weichbild /* quæ Status vigor territorii, & iuris superioritatis, *Krafft Landesfürstlicher Obrigkeit*, condere possunt, secundum quas Cameræ Assessores sunt obstricti pronunciare. *Ord. Cam. p. 1. t. 57.* sed hæc iura in illorum tantum provinciis valent. *Petra de potest. princip. c. 9. n. 48. Reich. de jure rer. c. 1. n. 366. & seqq.* Ut autem solius summi magistratus est leges universales ferre, sic ad illum solum spectat jus leges interpretandi. *l. ult. §. 1. C. de immunit. conced. lib. 10. l. nu. C. de his qui à principe vac. accep. & privilegiorum concessionem. l. 1. §. fin. l. 3. de consti. princip. §. sed & quod principi. Inst. de jur. nat. gent. & civ. legitimationem per rescriptum principis. Nov. 89. c. 9. Rosen.*

thal. de feud. c. 5. concl. 2. n. 4. lit. d. Geil. 2. Observ. 42. n. 1. & 3. jus famæ restituendæ. 1. tit. c. de feud. pass. & restit. §. 1. Inst. quib. mod. ius patr. potest. solv. P. Heig. 2. q. 22. quod ius Carolus V. Imp. cuilibet magistratui in seditione rusticorum specialiter indulgit. Recess. imperii de anno 1526. §. vnd vñwos. ius veniam ætatis concedendi. l. 1. & t. 1. C. de his. qui ven. at. impetr.

28. II. *jus creandi magistratus*, puta majores, ut Reges, Electores, Duces, Principes, Comites, Barones, Nobiles. Bodin. de Rep. l. 1. c. 10. Sic Henricus V. Uratislaum Ducem Bohemiæ regio titulo exornavit. Dubrav. lib. 9. Et Fridericus I. Petrū Danię Ducē ad regii honoris fastigiū eexit. Trithemius c. 17. Boleslao Poloniæ principi Otto III. Imp. regia stēmata dedit. Otto Frising. l. 7. c. 17. Eberh. Barbat⁹ primus Dux Wirtēb. in comitiis Wormatiēsis. ab Imp. Maximiliano I. creatus est, 21. Junii, 1495. Ita Rudolphus II. Transylvaniæ VVayvodām bellatorem strenuum imperii principem creavit anno 1595. Sic Carolus Dux Burgundiæ in prælio ad urbem Nancejam ab Helvetiis occisus, à Friderico III. regalem dignitatem petiisse dicitur. Atque hinc summa Imperatoris nostri conspicitur majestas, cui soli ius reges creandi competit, exclusis aliis omnibus regibus. Ritscher. de rep. disp. 2. §. 5. lit. d. Unde cum Pius V. Pontifex Cosmum Ducem Florētiæ coronā, & Magni Ducis Hetruriæ titulo donasset; Maximilianus II. non injuria se pontifici vehementer opposuit, inquiens, non habet Italia regem, nisi Cæsarem. Porro ut solus Imperator in imperio est causā procreans dignitatum maiorum, ita & earundem est causā corrumpens. Sic nuper Ferdinandus II. feliciter nunc regnans Bethlehem Gabor imperii principem creavit, eundemq; mox princeps

principali istâ dignitate privavit.

29. III. *Extremam provocationem*. Stultum est, ait Ictus Ulpianus, illud admonere, à principe appellare fas non esse, cum ipse sit, qui non provocatur, l. 1. §. 1. à quib. appell. nō lic. Hoc igitur jus salvâ superioritate magistratus summus à se abdicare nequit. Bodin. d. c. 10. Th. Mich. de jurisd. conclus. 26. licet alicui hoc concedere possit, ut omis- sa appellatione solus causam decidat, ut olim prætori- bus, l. 1. §. 1. de offic. præf. præat. l. 30. de appell. hodiè Electori- bus, A. B. tit. 11. p. 1. Heig. g. 4. n. 42. Sixtin. de regal. lib. 1. c. 5. n. 5. Archiducibus Austriae. Myns. s. Obs. 58. n. 1. Munster. lib. 3. Cosmog. c. 399. Goldast. p. 1. const. imper. Ducibus Bur- gundiae, Geil. de pace pub. lib. 1. Obs. 11. nu. 6. Lotharingæ. Myns. d. obs. 57. n. 1. ubi notandum, quamvis duces Burg. & Lotharingæ à foro fuerint privilegiati, à subjectione tamen & jurisdictione imperii illos exemptos non esse: quoniam diversa sunt forum sortiri & subditum esse. Th. Mich. de jurisdict. concl. 22. Geil. de pignorat. Obs. 15. n. 3. Sed & nec à Camera, utpote quæ vices Imperatoris gerit, D. Becht de securit. & salv. cond. 8. 191. appellare licet. Ord. Cam. p. 3. t. 51. revisorio saltem iudicio Cæsari cum statu- bus relicto d. p. 3. t. 53. Geil. 1. Obs. 53. & seq. Huc pertinet ius vitæ & necis, Recept. imper. de anno 1529. §. vnd wiewol. quod Carolus V. Imp. Senatui Madiolanensi, cui potesta- tem regie non absimilem alias concessisse dicitur, nun- quam impertire voluit, sed peculiariter excepit, & suæ maiestati reservavit, teste Bodino 1. de Rep. c. 8. & 10. Re- legatos restituendi, l. relegati. 4. in fin. de poen. ius absol- vendi aliquem à iuramento ad effectum agendi, Cinem seine gegeben. Bryhed gegen dem Herren/ so ihne also veyrphedet hat/ zu relaxieren/ darmit er sich gegen selben

rechtens gebrauchen möge. Ord. Cam. p. 2. l. 24. Rosenth. de feud. s. c. oncl. 3.

30. IV. *jus nundinarum*. l. 1. de nund. l. nu. C. nod. quod si nundus magistratus nemini facile concedere solet, nisi prius vicinis, quorum interessè possit, auditis. Geil 2. Obs. 61. n. 25. idque civitati potest auferre, & aliò transferre. Tessaur. decis. 264 n. 3. Nundinæ hodie madariæ wochenmarkt, etiam non requisito superiore impune instituantur. Richard. ad rubr. l. nu. C. de nund. n. 2.

13 V. *jus monetæ cudendæ*, quòd perindè majestatis proprium est, ut lex ipsa. Et licet Cæsar numi percutiendi potestatem plerisque statibus imperii concesserit. Recess. imper. de anno 1524. §. dergleichen hat. & de anno 551. §. so daben wir vns auch. item de anno 559. §. vnd nach dem die Frembden numorum tamen, quos ipsi cudunt, vis ac potestas à Cæsare pendet, adeoque sine illius consensu Domini monetales, die Münzherren oder Münzschänke / *jus hoc aliis cedere, & communicare non possunt*, sicuti communi statutum imperii consensu cautum legitur in Recessu de anno 51. §. So haben wir vns auch. & de anno 70. §. als dann auch. P. H. D. art. III. in fin. item in der Münzordnung de anno 59. hisce verbis: Ferner als sich auch ersinden thut / das etliche so Münzens Freiheit erlangt / ihr gerechtigkeit andern Verkauffen / verleihen oder in andere weg Vergünnen vnd zustellen / darauff nicht geringer Schad dem Gemeinen Nutz ein zeitlang entstanden / das die Münzen hiedurch in abfall kómen: So setzen / Ordnen / vnd wollen Wir / dz sich alle Münzgenossen jekz gemelter Unziemblicher ding gentslich enthalten / auch mit den Münzmeistern / oder jemandes anders / aussershalb gefährlicher Besoldung in keinen weg

pacif

pacifiziren / oder einia geding machen. ſondern daß ein je-
 der Münzherz oder Stand / auff ſein ſelbſt eigen Koſten
 vnd Verlag mit Gold / Silber / vnnnd allen andern die
 Münz (ſo er anders Münzen will) verlegen / Zu dem
 vnſer vnd deß Reichs vnd ſein Münz Frey / ohn alle Ge-
 ſchrey auffrichrig halten ſoll. Ubi ſtatim in tranſgreſſores
 huius conſtitutionis poenae ſubjicitur: Da aber jemand
 zu wider handeln würde / der ſoll als bald dardurch mie-
 derthat in vnſer vnd deß Reichs ſchwere Vngnad gehalten
 ſein. Daneben auch ſeine Münz freyheit / oder Gerech-
 tigkeit verlohren oder Verwüret haben. Cauſſam prohi-
 bitioni dedit communis Reip. utilitas, ſeu ſalus populi.
 Receſſ. imper. de anno 70. ibi: Als dann auch die Münz-
 gerechtigkeit kein Mercanz / ſondern vnſer Keyſerlich Ke-
 gal / ſo die Münzſtände auß vnſerm ſonderm vertrauen
 nicht zu ihrem ſelbſt geſuchten Vortheil ſondern wie wir
 ſelbſt dem Heiligen Reich zu Ehren / vnd Wolfahrt brau-
 chen ſollen. Cæterum ut omnis mutatio periculosa pu-
 tatur, ita pretii ac materiæ numiſmatis mutatio omnium
 eſt periculoſiſſima, eaq; incredibile univerſis ac ſingulis
 affert detrimentum. Hinc enim fit, inquit Bodinus, ut ne-
 mo quantum in bonis habeat conſtituere poſſit: incerta
 ſunt pacta conuenta, quæ verſantur in ſocietatibus, tute-
 lis, fiduciis, mandatis, rebus emptis, venditis, conductis,
 locatis, quibus vitæ ſocietas continetur: incerti redditus,
 veſtigalia, tributa: denique poenæ ipſæ ac præmia, quæ
 à legibus & judiciis irrogantur, incerta ſunt futura po-
 ſtremo ærarii opes, ac multa tum in publicis, tum in pri-
 vatis rebus rationibusq; dubia ac ſuſpenſa fore neceſſe
 eſt. Hæc Bodinus de Rep. l. 6. c. 3. ubi ſtatim ſubjungit: *Præ-
 ſiipi non magis licet improba numiſmata cudere, quàm occide-*

re, quàm grassari: nec à iure gentium, quo quidem auri & argenti pretium constitutum est, discedere; nisi regis nomen ac splendorum amittere, ac falsa moneta fabricator, quam princeps appellari malit. Vidit & prævidit hæc incommoda Divus Maximilianus II, iisque maturè remedi studuit in Recessu de anno 70. ibi: *Die weil dann nunmehr vor Augen/ was grosse vnauffhörliche schaden/ jederman hohen vnd Niedern Stands allbereit nur daher Zugesügt/ daß man nicht in allen Krenßsen obangerogter Münztzordnung vnd Ediet gefolgt/ ja es auch gewißlich an dem/ wo kein Eilend ernstlich Einsichen beschehen soll/ dz man im H. Reich Teutscher Nation an statt der guten probirten Reichsmünngen nichts anders/ als böse/ frembde/ versfolgte Münzsorten sehen vnd haben muß/ welches dann auch nit die geringste Vrsach der beharlichen steigerung in allen Victualien vnd Commerceien. Hodie adulteratorum numorum licentia eò grassata est, ut vix numus iusto pondere & ære reperiatur. Nimirum dum imperare singuli cupiunt, imperium omnes perditum eunt. quòd idem de Græciæ civitatibus olim scripsit ex Trogo Pompejo Justinus lib. 8. histor.*

32. Ad secundum caput, potestatem scil. belligerandi, quæ consistit in iure armorum refero I. *ius belli indicendi, & pacem ineundi*, quòd maiestati tam arctè cohæret, ut in quocunque recognoscante superiorem iniusta semper causa belli præsumatur Geil. 1. *de pace publ. c. 4. n. 4.* Alberic. Gentil. 1. *de iure bell. c. 3.* War. ab Frenberg. *de foeder. c. 2. n. 50.* Quid si procures regni iniuste se premi, legesq; regni violari existimant, an tùm iis arma contra principem summum concedemus. Hic ego non habeo quæ dicam, vel potius non dicam, quæ habeo. Pertinet huc aurea illa
constitu

constituto de pace publica, à Maximiliano I. Imp. W or-
maria anno 1495. introducta, multisq; subsequētib;
imperii recessibus corroborata, Quā de Andr. Geil. inte-
grum tractatum conscripsit.

33. II. *jus foedera pangendi*, quod adeò est de majestate,
ut inferiorum confederationes, omninò sint prohibita.
Lult. de colleg. illic. nisi è summo magistratu confirmetur.
Myns. 6. Obs. 2. De unionibus inferiorum vid. Cravett.
cons. 258. n. 10. quibus ceu species confraternitates, ut vo-
cant, Erbverbrüderung & Erbvereinigung subiiciun-
tur. *Geig. p. 1. q. 23. Heil. 2. Obs. 127.*

34. III. *jus mittendi legatos*, quo de vide sic nobiles tra-
ctatus Alberici Gentilis, & Hermannii Kirchneri.

35. Sequitur potestas religionis, quæ consistit in eius
vel gubernatione, vel defensione, & competit magistra-
tui politico summo, non quidem quoad internam, quæ
ecclesiasticis committenda, sed quoad externam religio-
nis administrationem. Separata enim dona Dei sunt, sa-
cerdotium & imperium *Nov. 6. in pr.* Huc igitur refero *jus*
indicendi concilia. Witar. *de concil. cap. 2. & seq.* qualia
Constantinus, Theodosius uterque, Arcadius, Martianus
Carolus & Otto magni, Heinricus III Sigisfundus & alii
Impp. convocarunt, iisque partim praesides interfuere.
jus cognoscendi de excommunicatione. Matth. Bort. *de ma-*
iest. c. 3. 6. 38. *jus eligendi & corrigendi clericos.* VVar. ab
Erenb. *de regn. subsid. c. 3.* *jus primariarum precum*, quo
Imperator in omnibus Cathedralibus ecclesiis & mona-
steriis per Germaniam habet suffragium & facultatem
unum canonicum pro arbitrio nominandi, quem colle-
gium recipere debet. *Specular. lib. 4 part. 3 tit. de prab. & di-*
gnis. §. restat. n. 7. & ibi Joh. Andr. *in not. lit. h. p.* Gregor. *lib.*

7 *syntagm. c. 7. n. 21.* Dissentit Geil. 2. *Obs. us. n. 7.* qui putat, Imperatorem hanc potestatem non habere vigore Cæsareæ majestatis, sed duntaxat concessione, & indulto Papæ. *jus erigendi Academias.* Sixtin. *de regal. lib. 1. c. 2. n. 26.* Ord. Cam. p. 1. §. 3. quo pertinet collatio dignitatum scholasticarum, ut sunt Doctores, Licentiati, Magistri, Baccalaurei, Comites Palatini, Poetæ Laureati, Notarii. Bocér, *de regal. c. 2. n. 246. & n. 161.*

36. Haftenus de regalibus majoribus; minora sunt, quæ ad fiscum summi magistratus augendum pertinent, cujusmodi sunt. I. *Via publica*, Land vnnnd Heerstrassen, quas pacatas & tutas esse oportet. l. 3. *in fin. l. congruit. de offic. præs. d. Einen Fürsten* (dixerat olim Philippus Hassiæ Lādgravius Laudatissimus) soll man erkennen bey reiner Strassen / guter Munn / vnnnd haltung beschehener Zusag. VVarem. ab Erenberg. *de regn. subsid. c. 5. n. 36.* quod pertinet ius conducendi, die glaidliche Obrigkeit & ius eorum pervias publicas disponendorum seu postarum. Th. Mich. *de iurisd. concl. 12. lit. b.* II. *Flumina navigabilia.* Vult. *f. 5. n. 7.* usur rerum manente publico, puta navigatione, piscatione &c. Godhofr. Anton. *disp. feud. 3. §. 7. lit. d.* III. *Portus*, h.c. vectigalia; quæ pro transitu per pontem vel in portu solvuntur. Vult. *d. num. 7.* IV. *Ripatica*, h.c. vectigalia, pro transitu riparum præstanda, Bärchgelt. Vult. *d. lo.* V. *Vectigalia*, l. 2. & 1. 1. *C. nova vectig. inst. non pos.* quæ Imper. hodie sine cōsensu Electorum neq; instituere, neque iā instituta augere potest. *Reichs Abschied de anno 179.* J. weiters seind weir. idq; singulariter in capitulationibus Matthiæ & Ferdinandi II. Imp. caturū legimus. Idēq; de regibus Galliæ, Hispaniæ, Angliæ, Ungariæ, Poloniæ, Daniæ, Siciliæ testantur allegati à Buxtorff, *ad A. B. l. 9. in fin.*

fin. Itaque contra illos, qui nova vectigalia erigunt, aut vetera augēt, mandata pœnalia c'tiā sine clausula non immeritò decernuntur, atque hac ratione ab executione rectè inchoatur processus, Ord. Cam. p. 2. t. 23. Gylm. in *symphor. supplic. tom. 2. p. 3. t. 7. supplic. 4.* Rosenth. de feud. c. 5. conclus. 13. numer. 12. Sixtin. de regalib. lib. 2. c. 6. numer. 23. VI. *Tributa* quò pertinent angariæ & parangariæ, Obrecht in *disputation. de regalib. 9. 493.* & extraordinaria collatio ad regalis numinis expeditionem. Rosenth. d. cap. 5. conclus. 73. de qua vide sis constit. Caroli Crassi Imp. apud Goldast. tom. 1. constitut. Imper. quam notis illustravit marq. Freherus. item collecta generalis indictio, *Reichssteuer*, cui opponitur collecta provincialis, *Landsteuer* quæ à provincialibus imponitur Geil. 2. *observ. 53.* VII. *Jus mulctandi & puniendi.* Rosenth. d. cap. 5. conclus. 50. VIII. Bona vacantia nullo extante herede. c. nu. de regal. Ulpian. in fragm. tit. 28. IX. Bona indignis ablata. P. Gregor. in *syntagm. iuris univers. lib. 2. capitul. 12. numer. 16.* X. Bona damnatorum & proscriptorum, quales sunt ii, qui incestum, Boccr. de regal. cap. 3. numer. 57. vel crimen læsæ maiestatis commiserunt, Gygas in tract. de crim. læsæ maiest. XI. *Argentaria*, seu metalli fodinæ, Vult. d. cap. 5. numer. 7. XII. *Palatia*, seu ius habendi, & inhabitandi regia Palatia, Vult. d. lo. Goth. Anton. de disp. 3. 9. lit. e. XIII. *Piscationum redditus*, Sixtin. de regal. c. 20. XIV. *Salinarum vectigal*, Vult. d. lo. XV. *Thesauri inventio*, Vult. d. n. 7.

37. *Restant maiestatis pugnancia*, sunt quæ modi quibus illa amittitur, quòd fit vel status unius in alium mutatione, vel cessione seu resignatione, vel morte principis, item bello, vel denique depositione, quæ an sit legitima,

& an optimates Principi impunè resistere possint, multiplicibus tum Ictorum, tum politicorum rixis atque sententiis nobilitata est quaestio, quæ eò cautius pertrahenda, quo periculosior, ne scilicet offendamus eos, qui possunt offendere. Sunt, qui statuunt principem maiestate eodem ordine, vi & iure privari posse, quo illam adeptus est, si iura regni & leges fundamentales violat, sub quibus maiestatem accepit. *arg. l. nihil tam naturale. de reg. iur.* Sic olim S. P. Q. R. Neronem, Vitellium, Caligulam, Heliogabalum, Maximinum, & Franciæ Ordines Childericum, Sigibertum, Theodoricum, Eudonem, Carolum Lotharii fratrem: Suedi Gustavum: Scoti Mariam & Germani Adolphum & Venceslaum throno maiestatis deiecerunt. Nec desunt, quibus hoc non placeat, atque sic statuunt, Principibus quidē nō esse obtemperandum, si quid contra leges divinas præcipiant, sed nec idē contra regiam maiestatem & unctos domini, utpote in quos nemo potestatem habet, sed solum Deum iudicem agnoscunt. *c. Principes. 23. q. 5. c. facta 9 q. 3.* Insurgere oportere, seu vi, seu iudicio constituto id fiat, etsi omnium scelerum ac flagitiorum, quæ in tyrannos convenire possunt, turpitudine infames essent, quos inter Bodin. 2. *de Repub. 5.* Iher. Gentil. *disp. reg. 3.* Wilhelm. Barclajus *contra Dialog. Buchan. de iure regni Scotia.* Et sane ut eiusdem populi respectu unus & idem princeps inferior sit & superior, dominus & subditus per rerum naturam fieri non posse asserit Arnold. Engelbrecht *de iur. i. s. d. & imper. 9. 66. lit. a.* Ut ut autem liberi sint summi Principes à vinculis & delictorum poenis in hoc mundo, divino tamen examini reservantur, ubi habebunt, qui de ipsis quaestionem moveat, & habita quaestione ad iudicem

cem deferat, poenamque factis sceleribusque eorum dignam constituat. Quænam verò ii. *Quarimonia & lacryma* (sunt verba philippi Cominæ lib. 10. *Comment. infine*) miserorum hominum quos creduliter vexarunt, item viduarum & pupillorum gemitus atque suspiria, quos parentibus atque maritis inhumaniter spoliarunt, breviter eorum quos afflixerunt, & fortunis omnibus denudarunt, lamentationes atque plangor erunt accusationis loco, quàm illi coram supremo tribunali jissent. Qui magnitudine scelerum offensus, non semper concedit diuturniorem impunitatem, sed illos aliquando verberat presentibus poenis, ita quidem evidenter, & clarè, ut dubitari non possit, ipsum esse iustissimum impietatis nostræ ultorem. Hactenus Cominæus, quo cum finio,

ET MAJESTATI
imperium felix,

SVBDITIS VERO
obsequium debitum,

PRECOR, OPTO, VOVEO.



